


浦江縣志

十二


八



		九	漢
	一	一	書
	二	七	門
一	九	六	
冊	架	函	類

內閣文庫			
元	九	漢	
函	一	書	
二	七		
三	六		
架	冊	號	類


內閣文庫	
番號	漢 9176
冊數	12 (8)
函號	292 80



沅江縣志卷之十二

人物五

政事



古今言勳業者德為本才以濟之而又在各當其才
疏附之臣用之奔奏而不足銓衡之任憂憂乎難哉
然約而言之大都浮華者邀虛譽惛幅者懋實功浦
邑士習淳龐一登仕版類能出其心腹腎腸以輔佐
巖廊膏澤黎庶雖建豎不相同其為楨榦之材一而
已矣志政事

楊璇

張敦

蔣邵

傅柔

劉英 黃子先附

方資 方揚遠方鑄方洙附

吳傳

傅雱 黃仁環

方果 方梁方策附

石範 石籌附

張祚 吳潤敏附

傅子桂 趙大訥

陳遠大 陳士元附

金德潤 金定附

鄭銖

鄭渙 鄭桐鄭附

宣岳 宣彦高附

張鋼 張子玉附

傅斌 王勲

鄭湜 王應附

黃道斌 黃以禮附

鄭子祥 黃嗣安

費斗南

王聰 思學附

傅揚善

陳師錫 吳彥珍潘榮仲吳

方孟昇

張拱辰

鄭洪

鄭沂 方圓

鄭榦 鄭漢附

鄭機

趙景伯

方悅

鄭熾

吳文彬

洪澤 洪葯附

石應雷

鄭璽

鄭宗錦 鄭崇憲附

陳玉 張繹

張元敬

趙玉

鄭崇岳 倪尚忠

張應化

樓一堂

黃東啓 方應運

金德義

方大任

張一琳 張應麟

張應棟

張一楨

張德驥 倪仁禎

張一兆

戴夢熊

張以培 朱興燕

戴望嶧

漢

楊璇字機平交州刺史扶之子喬之弟也璇初舉孝廉

靈帝時爲零陵太守是時蒼梧桂陽獫狁相聚攻郡縣賊衆多而璇力弱吏人憂恐璇乃特制馬車數十乘以排囊盛石灰於車上繫布索於馬尾又爲兵車專設弓弩尅期會戰乃令馬車居前順風鼓灰賊不得視因以火燒布然馬驚奔突賊陣因使後車弓弩亂發鉦鼓鳴震羣盜波駭破散追逐傷斃無數梟其渠帥郡境以清荊州刺史趙凱誣奏璇實非身破賊而妄有其功璇與相章奏凱有黨助遂檻車徵璇防禁嚴密無繇自訟乃噬臂出血書衣爲章具陳破賊形勢又言凱所誣狀潛令親屬詣闕通之詔書原璇

議郎凱反受誣人之罪璇三遷爲渤海太守所在有異政以事免後尚書令張溫特表薦之徵拜尚書僕射以病乞骸骨卒於家

張敦字伯仁縣人爲諸暨令海寇二百餘人剽鹵爲患悉平之轉重泉令民悅其化遷車騎大將軍

隋

蔣邵字景倩縣人爲益陽令遷洪撫二州刺史攘虎擊蝗民蒙其惠轉交州刺史

傅柔字仲席縣人爲宣城令無爲而治謳謠載路遷鄂州刺史

五代

劉英縣人五代時爲吳越尚書又有黃子先者亦仕吳越爲統軍使皆以治能名

宋

方資字逢源其先出唐元英處士于于曾孫傳始自睦來遷浦陽傳生招招生文遇文遇生資資生而忠孝鯁介有異才凡人禮樂律歷兵刑名物象數之屬無所不究好爲古文詞登嘉祐八年進士第與眉山蘇軾轍同榜皆爲歐陽文忠公所器重授長洲知州轉屯田員外郎遷寧國觀察使轉知秦州徐州陞江

淮鹽鐵使廉潔自持政聲日著入爲天章閣待制翰林學士知制誥加戶部侍郎卽擢禮部尚書出鎮江東安撫使上御書飛白賜之曰清節素風之家以論新法忤王安石出知真州未上賜死後河法不便於民上甚悔之因改御葬仙華山于之登其口追贈金紫光祿大夫封少師高平郡伯子揚遠字思舉中元祐三年進士授秘書正字遷大理寺評事以多所平反出爲河北轉運使上念其可當北門第錫以兵部尚書賜節出鎮大名府屢詔寵諭之封同安郡開國男食邑五百戶贈大中大夫揚遠生鑄字世範學裕

經綸操持貞介名聞於朝以其為資揚遠之裔授秀
 州通判轉知福清州考最除太常博士遷秘書閣少
 監致仕贈奉直大夫鑄生洙字宗魯授江山簿轉新
 昌丞民謳載道改知寧德縣陞浙江提刑司幹歷守
 梅新二州一作府政肅刑清治聲丕著自資至洙四世
 大夫皆以政事顯家學淵源後先輝映君子以為無
 忝於清節素風焉

吳傳字清叟縣之通化人傳自少無所好惟嗜讀書中
 宣和三年進士第歷官至監察御史四持憲節廉明
 之聲甚著初州縣官遇賜燕有飲至夜分者傳奏不

見燭上從之

傳勇其先世居汴父大理評事道始遷浦陽之威德勇
 多膽畧遇事奮發有為與李綱等建炎元年合
 兵始退黃潛善力主和議曰上遣行爲以勇
 階宣義郎乃特遷宣教郎以備異之未行
 臣以取信改命周望為通問使以
 事正當枕戈嘗膽內修外攘使刑以
 二帝不俟迎請而自歸不益相以厚禮
 終恐無益今所遣使但當奉以致思慕之意而
 已上乃命綱草二帝表以行獻二帝衣各一襲

且致書於粘罕與王倫俱留軍久之乃歸官至工部侍郎致仕時高宗賜以詩曰袖手長材世路輕愛閒那肯鬻榮名挂冠便欲辭丹闕策杖還歸老赤城適意不論三仕喜傳家惟有一分清林閒佳趣真恬退好向廉泉自濯纓後優游鄉里以終老焉

黃仁環縣之上洛人以武悍爲閭里雄方臘起睦州往往曹聚從賊仁環以能自歸得官授沿邊差遣建炎元年山賊何三五作亂仁環呼諸子謂曰吾受國恩恨無以爲報誓當以計擒賊乃與唐子容謀僞與賊合賊信不疑仁環謂其曾曰今欲破縣兩主首俱行

誰守洞汝等留此吾先破陣於是引衆鼓而東行十餘里至朱邨分路口將覆賊乃詭分兩道出攻虛整部伍密令子容等各插竹葉爲標識與賊兩兩相夾部分既定仁環大呼曰轉陣殺賊子容奮兵夾擊賊千餘人得脫者無數輩諸酋留者仁環令諸子享於家酒酣用斧自後斫殺之初仁環有女嫁賊黨中或曰公報國固善如愛女何仁環曰吾恐事不就一女何惜至是竟爲所戮仁環官至訓武郎縣人感其德立祠祀之宋濂作浦陽人物記錄仁環政事篇中論曰仁環區區一劔之雄耳然當賊氣正銳使無人急

挫其鋒則數萬生靈血汚荒原矣其利於民亦溥哉
方果字叔毅洙族子也隆興癸未進士授臨安通判加
朝散大夫掌臨安國稅絲毫不苟取與叟共意其不
誦德與從兄山陽尉梁並有政聲尋以爲一恠擢
書自適日與高人雅士觴咏怡年頃有詩
焉孫策字名父淳祐丁未進士性篤孝常
於朝以事君吾寧食於家以奉親也且予宗世官清
節素風之褒而豈必食祿哉遂侍二親終老不仕
進

石範字宗卿其先繇青社來徙浦陽家素貴盛其大
杜氏有賢行以女歸寒士鄭剛中剛中後爲名臣人
服其先見範天資穎茂從呂祖謙游講索殊精切中
紹熙元年進士第調奉化尉歲飢貧民將爲變範賑
之不誅一夫而定海寇爲害範設計捕之改知麗水
縣以丁繼母憂去遷知婺源縣縣有月椿錢二萬皆
取之民民患之範建議請蠲其十之二俄權通判袁
州峒獠弄兵衝潭頓吉四州被禍尤酷袁當其衝人
情凜凜範攝州事練軍旅閱民兵廣儲蓄博訪守禦
之策威聲甚震峒獠不敢近轉通判泉州兼南外宗
正丞卒年六十有六範守正不撓或勸其謁權貴人

美官可立至範謝曰吾儒者改官爲縣亦固當耳何
以僥倖爲卒不詣士論多之弟籌亦能文中嘉定十
三年進士第官至吉州司理子武戩戩

張祚字叔元初居東陽白鹿山幼尚氣節散貨財結賓
客士多樂爲之用淳祐間仕承信郎任浙東安撫司
提鎮督兵分鎮浦陽團練果毅保障一方歲久軍民
胥安臂指相應有家人父子之意遂卜龍溪之側家
焉子祐森祐仕進義校尉森暨子恕思孫端臣虎臣
稷臣鼎臣凡三世七人舉明經

吳渭字清翁幼穎異篤學以錢塘吳瞻薦入補將仕郎
景炎丙子攝浦江尉兼護邑符時寇攘蠶午所在民
多棄家竄渭乃謁學行釋奠禮從容如平時於是人
有固志冬移尹義烏理禁遏暴有能聲明年構公宇
新民瞻眠瞻士田租積欺弊無半入渭搜抉悉還其
故又明年宋亡渭不樂仕進解組歸托情於詩酒築
亭山閒扁所居曰潛齋賓至出聲伎相娛樂朔月泉
吟社分題賦詩嘗用范石湖故事以春日田園雜興
爲題告天下文士詞章蝟集乃偕謝翱方鳳吳思齊
相與甲乙品隲計收卷共二千七百二十五取中二
百八十刻詩六十名而以羅公福爲第一揭榜賚賞

有差其從子直方輩嘗哀其盟誓考評之辭畀人或
以右軍蘭亭潞公耆英相擬云子幼敏字功甫宋亞
榜進士痛其父卒時構居未竟遂衰經成室扶父柩
厝焉已教授溫州歸顏其居曰止所名士大夫鄉先
生多處其家既卒交游會葬數十百人率一時名流
傅子桂以國子生授天台簿轉石門令歷襄陽通判尋
以功陞知本府時元方圖襄陽子桂力修守戰之具
安撫呂文德貳於朝忌之欲危以法嘆曰手足已爲
人縛有奇安施遂挂冠歸日望天慟哭而已所著有
孝友菴集秋巖集

元

趙大訥一名良勝字敬叔周恭肅王元儼之十世孫也
起家譯曹掾調泉州錄事大盜起寧都泉之無賴子
嘯衆應之遂謀來攻城大訥作柵以禦其衝盜爲引
去遷興化錄事轉龍溪尹俗尚鬼壘石作祠以奉紫
衣神黠民將爲奸利必牲犬以祭大訥投神江中移
石以修孔子廟廷縣多山畚峒獠官稍侵之輒弄兵
暴掠至煩大將出屯經年不解大訥調禦得其術服
從如良民邑大姓怙勢殺人郡守受其財出之大訥
抱案詣府歷指其奸守怒陰中以他罪大訥畧無所

懾改永春以丁父憂去復改侯官未終喪不赴俄
永嘉永嘉計口賦鹽民以爲病大訥建請令富商轉
售之瑞安猾吏僞爲官書誣平民盜販民自殺者三
人府下大訥訊之大訥徒之臨汀州城枕大江水暴
岸善崩大訥列植巨木先以其芒殺浪勢然後實土
以石甃之岸凡數千尺得不壞除溫台等處海運千
戶遭母喪改知永新州州民素豪勢出守吏上聞大
訥至皆畏服不敢吐氣民以死狀聞官去按之卒吏
千餘人從行民皆逃匿數里無烟火大訥與一二吏
出田里晏然鵠湖羅陂皆羣盜淵藪時出爲過客患

大訥用奇計翦其渠魁餘黨奔散鄉飲酒之禮久廢
大訥講而行之賓主就位獻酬有節揖拜有容觀者
歎悅在官二年告老解印綬而歸時至正八年夏六
月也大訥性剛直不憚大吏屢典劇縣皆有能聲卒
胥無敢出鄉宿猾元豪亦相告遠遁數平反冤獄民
爲列生祠或以事如遠鄉父老攜子弟聚觀曰此趙
侯也其爲人愛慕如此

陳遠大字宏父其先自彭城徙縣之德政遠大復徙居
興賢鄉少治經通尚書大義下筆無留思然好個儻
之畫慨然欲有所爲會邑里初附山谷獷盜猶蟻聚

負固弄兵遠大遂釋儒服從軍建購捕方畧執其因渠餘孽悉平募府上其功隨計至京得試原州路施容州判官未上而隣土有警郡復檄至麾下資其智勇多所俘獲再以狀薦改全州路清湘縣丞清湘介湖北窮微谿蠻峒獠錯居其壤山有毒蛇儲爲蠱以中人立死而獄多蔓辭遠大曰戕人以售其妖猶可少貸之乎乃悉論寘於法撤淫祠魔菴數十區取其材葺新學宮曰此教基也庶幾使民知所以教時方有事交趾全當孔道餽餉所出他官屬或畏難遁去徵發調送郡獨倚遠大以辦在任八年稍進贛州路

信豐縣尹贛有廢縣龍南居獠中而以其地隸信豐南安萬戶府僑處其縣分卒六屯使耕龍南曠土自食久之招納亡命橐籥姦私民甚患之遠大列上其事請復置縣徙其軍遠大累官嶺海閒風淫露毒積受戕賊洎轉溫州平陽州判官而腰腳已痺弱不良於行因以老自免歸里題其晏坐之室曰達觀婆娑其中越十二年而卒子士元梧州路儒學正士貞別有傳

金德潤字君澤五世祖碩德自彭城遷浦江父定雅好施貸不償則并券棄之程鉅夫爲銘其墓德潤少有

大志不屑事耕稼年二十餘遠遊湖南入憲府學書
獄盧摯爲部使者每見人散後惟德潤危坐木榻繙
案牘不休錄其勤選補府書吏久之遷湖北贊使發
姦伏聲達行中書辟理問所以年勞及格授台州路
錄事判官豪卒質人珠人贖焉卒意將斃沒之給曰
歸汝矣訟於官德潤去卒巾跪於庭使人持巾謂卒
妻曰汝夫令索珠恐不信持此爲驗妻視之果夫巾
也啓櫬還之卒大慚服薛記擊陳源死行賂上下以
勢扼諸孤亟藁葬其屍冤莫能雪德潤白發之歷二
年屍僵如生抵薛於辟辟浙東道宣尉司令史考滿
擢平江路總管府知事尋轉常州路宜興州判官新
學宮築社稷壇壝駕長橋民利賴之州多盜德潤察
其尤嚚狡者鈇左右趾役於官三年之間外戶不閉
建文會以激攻科目者請名進士第其高下勵之去
日民爲立碑改嘉興路總管府推官屬歲大水禾不
登道殣相望壯者羣詣富人貸粟弗從竟囊而奔縣
州坐以強斂案且具德潤原情悉傳以輕典脫死者
六百人己以足病乞休以奉議大夫紹興路總管府
治中致仕德潤忠靖而懇勤入吏時操觚或不能成
字後解屬文詠詩議論出入經史以性褊急撫古之

有容德者類爲編日紀忍之書趙孟頫虞集皆深有
取焉生平視貨泉如土梗惟愛聚書多至七千卷居
家謹禮度涖官清心寡欲祿或不給取諸家以繼用
惡豪強之爲蠹極力鋤剗所至皆屏跡人呼爲健吏
云

鄭銖字彥平文厚子自幼失怙恃鞠於世母周氏事之
孝長善廢著之術家以大穰嘗與兄欽營田建嘉禮
莊出遊京師秉政脫脫道濟見而器之奏爲宣政院
照磨職統浮屠氏事浮屠以幣交者絕弗通浙江行
省右丞相朶兒只方領院事察知其廉命持檄行浙

東西仍一毫無所取轉松江等處稻田提領所大使
嘉定華亭上海之交有田數十頃旣隸所中而都水
使者泊江淮財賦府復重賦之民困甚銖爲聞於朝
免之先是徵民無藪歲有羨糧以斛計者萬餘上下
其利之銖至命給以還民計種家口數分之望門拜
者日千數稻田所素號米貨之府他人處之靡不滿
其囊橐銖獨日糴於市猶貧人焉會從子洵來省視
一夕病卒銖感之曰人生朝露耳何以官爲卽日解
印綬歸未幾亦病卒

張坦初授莆田主簿練習民兵計殲劇賊累遷至福建

廉訪副使

鄭渙字仲釋剛果有爲元季寇興院判謝國璽辟署湖江縣簿以才能稱未幾解職還家以公平制鄉里不使豪強病民有爭訟則論以理而與酒和解之人皆欣服子桐字叔成以御史劉辰薦累官滁州通判階徵仕郎奉公廉謹爲同僚所推敬州當衝要牒訴繁劇能躬勤治理考稱善最後督運木植至穎暴病卒於馬上次子柎字叔鄂命爲弟瀛仲容後瀛早世柎與妻許氏奉養母黃氏惟謹黃沒執喪三年及居所生父母喪亦行三年禮人以爲孝柎受業陳剛貫穿

經史尤喜吟詩與諸兄弟觴咏怡然如遊春風中自號怡怡子以子熤貴封承直郎詹事府丞

宣岳字彥昭少與宋濂鄭濤同受業於吳萊平生無他嗜好惟購書不知休或請脫衣巾以償亦不靳以知印行宣政院年勞入選擢承事郎溫州路平陽州判官極勵清白所需物必取給於家吏隸畏其不容每去而更他業儒生有百畝之園爲世家所侵屢訴有司輒緣厚賂不決岳立斷還之儒生函金以謝岳叱曰顧法當爾吾豈私汝耶後十日儒生畫菜一本裝潢成燈入謝曰判官清苦敢以一菜爲獻岳曰是雖

微物終有私意存遂題識而歸之天大雨民與軍
簷各曰我物絕無証左者岳命裂爲二並驅去使隸
卒踵其後軍忿謀不已民曰汝自失簷於我何損耶
隸卒以聞岳杖民令買簷償軍尋轉本路總管府判
官會大俠起東海來攻城戍將問計於岳岳曰此烏
合之衆耳宜率精銳大開城門擣退之如言寇果敗
北自是屢戰屢捷戍將氣驕頗易之寇乘隙入城戍
將被擒而岳亦受縛瞑目罵曰天子何負於汝乃搆
亂耶寇怒欲兵之民翼蔽其背泣曰寧殺我母殺我
判官寇義之而止得閒夜縋城出請兵於方岳連帥
欲爲殄滅之計無有聽之者岳知時事不可爲歸臥
孫井山中已而元亡明祖詔起江南文學之士而岳
與焉將官之辭疾還故山岳有兄字彥高風流醜藉
爲多士之冠岳與其論上下二千年治亂太息間操
觚成詩酬答不已襟懷沖曠外物若無能擾之會婚
家乾沒里氓里氓搥登聞鼓訴冤証岳關通州縣以
致事不直岳實不與聞也逮至刑部抗辭辨吏怒下
獄幽之岳憤憤無所洩不食三日死年六十

明

蔣鏞字可大其先世德邵爲洪撫交三州刺史宋高宗

襄陽府丞董河務疾作卒於官

王懃

府志作慶

字思義義門子偉子也能循禮守法日工詩

賦洪武初召對嘉其才與鄭濟同擢春坊庶子職居右侍講東宮多所獻替纂古名臣言行錄以進帝賜勅曰春坊官所以開誠心布公道秩雖不崇而地則清要也以啓以沃爾其欽之其隆重如此懃精於河洛之學著有圖書八卷藏於家

鄭湜字仲持魁偉宏度見義必趨洪武十四年奸人誣告其家以交通賊臣事罪叵測湜毅然就逮不以累諸兄至京長兄濂相遇欲任之二人爭往就獄太祖

聞而義之召二人至殿前勞勉卽赦其罪詔擢湜布政司參政吏部奏參政無缺員特命增設參議之官以湜爲福建布政司左參議階中順大夫命舉所知五人皆以參議乘傳致官至卽去貪吏革弊政有滯獄積年不決者立剖之吏民熟其家聲相戒無犯南靖縣民爲亂誣誤者數千百人部曲多掠其婦女爲奴湜皆言於諸將縱遣去兵不敢譁有商二人劇盜殺其一而取其財其一人得脫訴於官捕盜在獄驗屍無有不肯承湜夜取盜鞫訊因縛置於庭匿吏案下俾聽其語夜半盜顧空庭無人果私語始知其沈

屍井中明日詰盜以沈屍處盜驚伏聞人神其政居
一歲入覲卒於京

王應字思正潁溪王澄之長孫也敦厚周慎佐父覺以
禮齊家以義聚食防範有條訓飭有規羣從悅服洪
武中薦授廣東布政使司左參議時盜發南海官軍
不能平應率義旅以蜚船爲聲援入其巢穴擒渠魁
殲之餘黨悉平俄以外艱去職服除轉河南參議未
幾卒子溫循禮好學爲文章喜學胡翰手抄其集饒
版傳世

黃道斌字叔厚裳六世孫也其父行有名以禮字儀可
者洪武庚申以賢人君子應召擢廣東按察司僉事
能聲著稱道斌繇國子生任刑部司門主事雪冤理
枉獄無滯囚尋分理鳳陽太平二府政蹟藹然時屯
田夫多死亡寡婦無所依道斌奏請悉聽還鄉人感
其德有祀其像於家者

節子祥義門疎族也恭謹向學嘗爲義門義塾師洪武
中薦授知縣守職廉平畏慎自持或賂以賄毅然却
曰吾爲義門族豈以簠簋不飭而玷吾宗乎君子稱
之

黃嗣安字仲行洪武中以孝廉舉任安東知縣除黠吏

以安民舉賢才以爲國用入覲銓選居天下第七授承直郎賜以勅書俾陪祀園邱尋卒於官

費斗南北隅人英邁有大志洪武二十五年詔天下郡縣選用老成練治體者有司上其名太祖適是夜夢南極詰朝斗南見以名與夢協大喜當授御前觀察使應對敏捷一日羣臣退上獨留斗南侍從容問曰卿起自山中山中有何好輒對曰起遲臥得早啼鳥兩三聲落花任風掃又問曰山中有何惡輒對曰秋風動林壑鴻雁兩三行遍逕盡消索上益知其非常人命處之方苦廷臣對無闕員卽命增設右布政時

廣西連年荒歉民以糶糴煽亂上謂斗南曰絕徼之地調度兵食敷宣德意非卿不可命爲廣西左布政尚書劉文謙奏一介布衣驟進大位恐有不堪卽宣還問曰卿政何者爲先對曰臣無他能提督府縣總領大綱承流宣化而已上益喜謂稱任使仍賜袍帶楮幣輿馬遣之比之官夙夜虔其詢民利病郡邑承風軍民樂業繼之興學校隆師儒俾荒裔之地耳目一新卒於官上聞爲傷悼焉

王聰字思明洪武中郡邑以明經聞上親試之特授通政司左通政居官十有一載事符聖斷者百餘條降

詔褒之稱其氣剛正而才宏博故能揚一人之休美
達萬姓之不平云

傅揚善字大有少年力學具經濟才洪武丁丑春詔天
下郡邑選用明經練達治體者有司以揚善應廷試
稱旨授湖廣漢陽知府至任逐師巫毀淫祠鞭撲不
施而事治靖難時謀倡義事洩謫雷州海康知縣
陽士庶思慕不忘詣闕上疏借畱上命復守漢陽
年適歲祲漢邑俱患蝗揚善作文移城社蝗皆飛入
漢江化為魚蝦人至今稱異云後引年歸民立祠祀
之所著有安素集詩文若干卷

陳師錫縣人業精壁經旁通百氏明初推署學事未幾
薦南鄭知縣敲撲不施民安事治丁內艱起博平適
歲祲大疫鄰里不敢通訊師錫躬製藥劑遣人徧視
境內給之全活萬計以才優調靈邱太行羣盜抄掠
設為保甲隊伍多方緝勦民始安堵朝廷遣使資金
幣勞之以旌異

吳彥珍以才行稱洪武中繇閩右舉擢四川布政司左
布政寬平簡易軍民懷之罷歸復召永樂間以年老
勅賜致仕子思學孝行純篤知名於時時與彥珍同
由閩右舉者有潘榮仲任建昌太守以廉能稱

方孟昇字東吾鳳元孫也博通經籍練達治理學務明體適用與方圓同學於蘇伯衡伯衡學於吳萊柳貫吳柳學於鳳家學淵源蓋有自矣洪武三十年徵辟博學宏材授中奉大夫江西左布政使廉謹清白被讒左除昆陽知州育士愛民政聲益著永樂初遷吉安知府復陞江西左布政秩滿士民德之攀援不忍舍去遂家焉

張拱辰孟兼從弟也偉材碩德爲時所推與從兄孟兼讀書白石山房棲迹煙霞撥奇二酉洪武中詔舉閩右與吳彥珍輩先後詣京師擢爲廣西布政宣布德化紀綱丕振永樂時改福建布政所至皆有膏雨之頌焉

鄭洪字仲纖欽次子有智畧應變如轉丸岐陽王駐兵嚴陵令參謀軍事王入朝薦除侍禮郎累官內藏庫提點以累死

鄭沂字仲與銖次子性通敏洪武丙子朝廷更新庶政選材閩右輔翊治化沂應召赴京特擢禮部尚書階資善大夫沂自以布衣致仕列卿夙夜勤勞盡心報國上念其誠篤嘗嘉獎之已而大行賓天奸臣擅政遂解組還家永樂元年入朝畱爲故官尋以年老謝

歸田里未幾上北巡詔起還輔翼太子駕還仍賜歸老以高壽終

方圓字伯規讀書敦行永樂初舉知鞏昌南寧兩府陞苑馬卿歷官四十五年皆卓有政聲著有南湖集

鄭榘字叔恭滄見漢仲昭子也漢才優識精溫恭寬裕

處事恆中乎理衆敬服之榘受學臨川陳剛剛奇其

才堪任風紀永樂初薦擢湖廣道監察御史尋被旨

宣撫廣東民以取珠爲苦至卽奏罷甲午年已七十

二矣值帝北征回進五言詩帝嘆曰可謂滿朝詩伯

第一榘因告歸帝許之賜宴於禮部昇以金繡衣問

誰可代者榘舉從子熾御筆卽除御史義門傳爲盛事

鄭機字叔慎敏學勤事永樂中以賢良薦召試吏部授

文林郎湖廣漢川知縣轉廣東仁化知縣蠻寇爲亂

朝廷遣兵捕之機召父老用計擒渠魁自於主帥兵

不擾而民安時論稱之

趙景伯字用仁大訥後也父瑞五旬南舉景伯及弟景

家政貧兄弟自爲師友博通子史尤深於禮舉鄉

選以親老弗上後父母相繼卒廬墓三載服闋授普

寧尹有惠政又以生母憂去補鍾祥尹祥故世廟潛

龍地守陵中貴強橫令長恆屈膝事之景伯毅然不
爲折腰中貴亦憚其廉明不能屈旣以無子告歸士
民皆遮道留之及歸鬻城南地一區與族衆創建祠
宇惟以詩書自娛邑大夫罕得見其面者
方悅字時習十四都人受業章楓山懋研究師說篤志
力行盛暑沍寒不少懈楓山嘗稱曰篤實心地刻苦
工夫吾於方子見之以選貢授維摩州吏目道學自
任不以官卑少誦當道咸優禮焉委署新化州荒裔
椎髻裸跣禮文闊畧悅爲建鄉較置餼廩選民俊秀
授以孝經論語禮書親爲講解教之束髮頂冠復作
歌俾民誦習以別男女敘兄弟弭盜賊不數月竟成
衣冠文物之俗焉

鄭熾字允用榦從姪也適榦引年乞歸成祖令舉子弟
之良者以自代榦乃以熾居家孝友處事公勤對遂
授熾監察御史仁宗卽位妙簡儒碩輔導東宮擢陞
詹事府丞繼事宜宗勳績益懋轉陞大理寺左丞歷
李四朝二十餘年小心謹慎寵渥尤至

吳文彬邑人以貢歷官同知三任皆有異政初任魯山
令歲饑百姓流亡教民取蕨爲粉作粢飪以療飢荒
鄰邑效之全活以數萬計民爲建祠

洪澤字宗潤宋忠宣皓子遵之裔孫以能吏歷事京師
旨以計活人久之授丹陽主簿遷建安簿咸著善政
奏減建安民稅邑人懷之從兄葯字廷輝事母盡孝
火延居室赴火抱母獲免爲縉紳所稱

石應雷字雲中膂力絕羣弓挽十石射穿七札人稱爲
石千斤應募授狼山把總擒大盜翁元飛等功補南
贛中軍守備轉貴州都司援滇多戰績陞保定參將
調備宣府倚山設險屢著奇功陞薊鎮團練總兵官
都督同知未任卒

鄭璽字仕信以貢授湖廣安化令地瘠民澆多逋賦璽
招流移者復業開墾而蠲其役興學校剪強暴修舉
廢墜邑以大治有鄧紹祖者殺人行賂他令莫能決
璽廉知其沈屍水底竟置於法未幾以母憂去服除
改任江西上猶政聲一如治安化時疾卒於官民甚
惜之

鄭宗錦字世章爲石阡司理清介自好毫不苟取日以
孝友訓其民比歸家徒四壁爲鄉塾師以給朝夕邑
侯多憐其貧捐銀以贈亦不受從子崇憲爲清江丞
清操克紹其風

陳玉以歲薦授雲南曲靖府通判端樸強毅有綜理才

遇苗亂委總數邑事饋禦咸取給焉民賴以安尋乞
歸筭閒敝衣圖書數事而已卒年九十有一能詩著
有後溪集

張繹字悅之正德閒任廣東新寧教諭師道嚴肅值土
賊作耗城孤懸官民惶懼繹奉太守檄單騎造賊營
開諭禍福賊解仍命將兵征閩海倭招撫夷民所活
甚衆當道特薦其能而繹感嵐瘴卒民立祠祀之

張元敬字伯輿東隅人好學能文嘉靖辛酉中鄉試除
武寧令武寧黠胥善舞文積案滯獄往往長吏不得
問元敬剖決立盡置老黠數輩於法皆錯愕不敢犯

邑賦役久困元敬單騎周行度之以都分界以號發
都賦壤以定邑民胡三益妻方有殊色巨豪趙猷逼
之且死猷懼行千金爲居閒元敬不顧卒抵於法復
捐俸五十緡表方墓劇盜王繇貴爲亂兵道石委巡
檢楊洵捕之不得妄以良民張良恭報元敬趨往謁
石爲白其誣石先入洵言意忤遂拂袖起曰殺人媚
人吾不忍爲也竟解組歸

趙玉邑人以責任曲靖經歷撫苗民釋疑獄政有令聲
居家父病危篤禱以身代疾遂愈人以爲孝感

鄭崇苗字克生義門綺之裔幼穎異讀書過目不忘九

母患瘍晝夜號泣跪牀簣閭撫摩膝爲生肌萬歷
庚子舉於鄉除蕭山教諭捐俸葺宮牆課諸士風教
大振癸卯分試閩闈拔十人悉名士陞順天東安令
地附畿內賦役繁重吏緣作奸多弊政崇苦悉爲釐
革裁額外之賦數千金平治邑產之爲巨鎔勦戚所
擯者民遂安堵會歲大水洊飢崇苦設法賑濟全活
無算秩滿考最議授刑部主事歷南北二曹皆有殊
績陞貴州思南知府時播孽爲亂逆舍乘閒竊發郡
有奸人圖爲之應崇苦廉知用計擒舍播孽氣奪先
後三寇三挫其鋒令全黔屹然無恙思南爲之障也
敘績陞雲南副使議留監軍旋以計事不合告歸日
集子弟講習禮法修飭祭器及輯宗譜聖恩錄家儀
等書年踰八十臨卒惟諭族人輸公賦守家法言不
及私入祀黔中名宦郡邑鄉賢

倪尚忠字世卿萬歷戊戌進士授廣東順德令誠心愛
民不務名法繩督粵南故多盜大辟以下恆薄懲曉
諭再三使之去或以爲言尚忠曰彼亦人耳使其能
改何過督爲乃著宣化錄以勸勵之順德下邑科第
素寡尚忠日進諸生教以文藝取資敏者拔之嗣是
登春秋二榜者不絕躋顯仕者前後得黃士俊黃儒

炳二宗伯而士俊且由殿撰人因比之蜀文翁云萬
歷中朝廷設採珠廠闖使橫甚甲手員役一日銀鎊
數下當者家立破尚忠下令邑中見有珠廠勾役縛
以訊杖而禁之有傾及孝廉某者執而置之獄闖怒
欲以疏劾衆懼禍不測咸諫止之嘆曰吾令一邑不
能爲一邑驅豺虎吾罪當更甚矣力言於制按二院
得奏罷採遷吉安府同知會以母老多疾遂致仕歸
邑人追思不已爲祠祀之所著有居雲草鳴籟草醉
吟草宣化錄學製編行於世

張應化字汝誠東隅人幼穎悟嗜學由邑庠貢成均領
應天鄉薦萬歷戊戌除西平令時大祲之餘邑民流
離散亡應化至百方招徠買牛種闢室廬給之稍稍
安輯乃葺黌序集多士倉厥里社以次修舉明年歲
又稔建議請賑不給乃盡出資俸爲粥廠贍飢民親
乘馬冒雪夜行視諸鄉保中所全活無數又明年增
社倉擴其濟莊以備不虞築南北關以固形勢志邑
乘以紀文物凡循撫六載以卓異徵將就道民遮擁
不得行旣而聞父憂馳歸哀毀成疾卒

樓一堂字叔宇縣文溪人萬歷癸丑進士除部曹分官
水虞主駮廳事故事五庫備上供邊儲者就廳審美

材胥賈相蒙楛窳成習至一商動糜大府金十餘萬
出入擁蓋具駟驕佚莫爲制一堂榜其弊於衢商恐
謀於胥假例進海物數瓶啓之金也斥去急速胥獄
得其狀莫不股栗出守瑞州瑞多浮賦上書御史臺
議汰以十之八爲考成民以小康因陳征收支解等
法報可且檄行江以西十二郡先是高安民鄢堪坐
盜論死因捕獲枯骨於家一堂曰骨已枯何藏之家
立召捕骨丞卒詰丞不服以給卒悉其爲盜所買冤
狀聞二院才之任四年平反十數事率如鄢御史王
一鄂亦在籍內得脫羈絏登第後旌異遷本省驛傳
副使尋遷大參治山東糧蘇郵轉漕所至有殊聲丙
寅總晉臬時魏璫怙勢比周遣中使鎮各邊晉其一
也初一堂在虞部璫爲庫少監知一堂名欲援爲重
語其黨崔呈秀呈秀係同籍授之意笑謝不敏及邊
使至又不爲禮會上壽中使自儼制撫一堂從容語
曰親臣有體不得逃引官僚其強立不倚類如此璫
敗遷廣東右布政攝守海使者印盜李之奇數寇海
爲亂定策招其黨鄭芝龍令殺盜自贖芝龍果縛之
奇廷獻僉多其功以積勞發背卒年六十二一堂居
家孝友讀書不與外事凡民有喪未嘗不匍匐救之

也浦山無巨木有重稅奸人妄指中產立盡在虞部
輒言權使宋良翰罷之鄉人碑其事邑門之左尸祝
至今云所著有瑞槐軒集鄉約訓言女則行於世
黃東啓字惟寅應萬歷丁巳歲薦授廣東開建知縣建
界廣西居萬山中民蠻錯處每以小忿仰藥以圖害
東啓至嚴切禁諭風稍戢會歲祲首請發粟賑之捐
鹺舶牛羊諸稅以利民全活甚衆尤精形家言東郭
江水迅急民多溺死者東啓捐俸造橋顏曰毓秀士
民勒石頌之秩滿報最以疾歸輸田若干畝供其家
祠祭祀年八十卒

方應運字朝奉通化西塘人資裔孫也由太學生授桃
源縣丞督撫大臣朱大典梁雲構張國維悉器重之
委攝縣事當流寇告警羽書旁午應運爲經畫設備
寇卽聞風引遁全淮以安當道優其才畧謂之淮屬
干城軍需繁急連年蝗旱民不聊生應運職在督糧
轉輸無愆而於征求中時寓撫卹民亦樂輸恐後兵
旅食足捍圉孔固梁雲構特申薦之桃源河流逼近
數受河患應運爲之濬築合道而患以絕朱大典張
國維以才薦轉桂林府經歷前後居官廉靜狷介
政聲著於淮甸君子以爲無媿於其先世云

金德義字行之其先為義為人祖李耽浦山水之勝因
 家縣之赤橋至德義凡三世德義中萬歷己未進士
 除徽州婺源縣令為政務經術不以急疾苛察為能
 然於法之所當亦無輕貸者婺源處萬山中多盜賊
 而復多虎民患之德義募材技教以伏機布穽復申
 保甲俾捕虎如捕盜法令下數旬而虎幾盡議治盜
 曰除惡務本先廉窩者窩某為朝大司農女婿捕急
 賂當事請寬德義力爭曰賞小罰大令當自貴近始
 竟論理盜遂解散自言化俗先在敦行敦行先於士
 風著寶婺約言數卷迪之暇則與所拔士結社論文
 夜分忘倦又以士子史學不明經濟無術鄉先哲朱
 子綱目不可不讀特為點定刊於秋祭

文廟傷古樂不再根據典制勅興六佾登歌頗得周禮旋
 宮之遺刻有樂舞制畧至今婺源樂稱獨最德義力
 也歷任三載士民愛信入覲大司農以私揭之遂改
 教授外郡歸三月卒於家時年四十有五所著有靜

澹齋集

方大任字惟道通化西塘人官大名府開州吏目土瘠
 民貧蝗大為患惡少年多相率為盜聞民苦之大任
 乃條坑埋之法教民捕蝗申請發賑且倡捐俸以卹

之活民數萬計流遺者歸哨聚者散有渠魁未獲大任誘致其副悉其出沒狀一旦率民兵直薄其窩賊相顧愕然垂首就縛捷聞開之父老咸焚香道迎去任後立生祠

張一琳字尚聘讀書勇於行謏以太學貢士授光祿署丞轉都運司副使故事商綱歲致公費千金悉釐革申著爲令理細事條畫內外水三商不相扼而相協官私兩利至今頌之部課四十萬抵天津值逃兵數千擁於水次衆惶懼一琳曰勿畏彼臺營獨知法也吾以法禦之一面報部請衛一面戒嚴旂甲故躬從

拜示與無異待檄通鎮移兵乃發部多其才紀錄議薦擢時權在庫監有索不應量陞周府左長史致仕歸慨月泉爲朱呂講學地鞠爲茂草請知縣吳應台共謀振興重建書院課後進復慮其孤時致圮旁設寺構作忠堂翊之庚辰大稔斗米價五錢首出議賑輸米二百石爲創宗祠未立祭產則爲置腴田百畝以備孝享所著有家範祀儀適園草花問諸編子德行別有傳

張應麟字汝瑞祖孟暄以理學崇祀鄉賢父元中以鄉進士爲尉氏令有賢聲轉柳州府丞應麟幼穎異常

從學金華姜良翰得其傳聲甚藉以歲薦就選天官
冢卿覽其文奇之特轉授雷州司李冰檠有聲署海
防會有揆珠之役與合浦畫水爲界時令踰界者以
盜治倏颺風颺廉舶數十艘至當事議誅如法應麟
曰風水意外之變非人罪也給糗遣歸所活數百人
後雷蚌無珠恐不稱命有言龍斗池有異珠少監逼
應麟泛海視之颺風蕩舟應麟夷坐自若風息登岸
知其地爲交州矣歸上其事得罷採應募商船五百
艘以喪貲謀爲亂應麟開諭大義復檄沿海部曲設
奇制之乃得解散雷人德之謀尸祝大宗伯王宏誨
爲紀其事甚悉以染瘴告歸子一明爲廣東布政司

理問

張應棟字汝隆東隅人博聞強志持守清峻由邑博士
弟子貢成均大司成取冠南雍以兄應槐成進士將
勞於王事慮母趙子居缺侍奉亟歸里鍵戶讀書以
奉菽水三十年如一日終母喪應選除光祿署正在
大官大官故四署首賓祭其經費視他署獨夥商胥
朋比作奸挾中貴制長吏莫可問應棟按冊清查歲
省縣官祿米萬餘石薪料數千束上之刊著爲令出
爲邵武判故例糧運守候供費有科應棟悉已之曰

無虧維正足矣案牘之暇與諸生講經課藝士民咸愛戴焉未幾卒於任

張一楨從楊太史守勤學達於治理任金壇丞明決善斷積牘爲掃當道才之委攝邑篆革奇羨初限格民踴躍輸課積逋悉清諸臺部使者數旌異署考上上漕卒額外例索增耗一楨往復郡守請減抑如常他如修水利戢盜賑荒率著勤績時理學朱平涵顧涇陽諸先生雅重之尋爲仇猶所中調楚藩歸裝惟兩敝橐郡守給艇以濟士民醵金範像伐石紀蹟以爲莫繼云

張德驥字用德選貢入南雍文章與吳太沖傅巖章正宸齊名授雲南經歷抵任日談文章諸生多趨受業當事推重之委署府篆文風爲之一變值土官倡亂地方震懾德驥單騎往諭竟自帖服滇民以安丁艱歸遂不復出惟杜門究參元解以悟真參同諸書爲合道德玉始諸經自爲文亦祖莊列有超然御風之槩臨終置酒邀老友舉觴曰今別矣愧不能神遊無極喉閒香氣清芬差見我養飲滿卒

倪仁禎字心開號株山尚忠子崇禎十年成進士初授太常博士擢禮科給事中彈劾不避權貴巡視中營

衆憚其嚴峻莫敢偷縱奉命封藩廣西歸值國變遂
家居以老有問夜草皆其居諫垣時疏稿又工書摹
古法帖若干卷行於世

國朝

張一兆字萬資號大生幼沈敏好學性至孝弱冠時赴
省試主司賞其卷將上之以微累致駁母項氏發憤
病卒一兆哀痛不食者累旬旣祥猶毀悴如故以母
賁志沒遂絕意進取者數年父應陞撫之曰汝誠孝
愛獨不念若父耶趨之赴試順治戊子以明經拔萃
考職授寧都縣令到官一以愛民爲務時寧都民多
流徙失業一兆曲加勞來勸課種植期年戶口皆復
其舊禁革火耗民負糧者不加筆扑咸樂輸焉漕粟
費有缺者輒捐俸補之不以課民也先是邑多盜一
兆設計誘之皆就撫爲良民境內寧輯前後五載士
民懷之遠近建祠祀者數百里不絕初一兆迎養其
父在任年餘父思返故里苦畱不得一兆日夕思慕
因圖歸計旣得閒解組嘆曰吾切於晨昏之戀今得
遂矣竟不辭上官疾馳而去上官怒以陰事中之奪
職抵家日適父疾篤彌畱一兆泣拜牀下父擁其頸
不置閱一夕遂瞑得盡視舍之職人以爲孝感所致

海江集卷之十一
焉既免喪惟杜門課子不問外事治家儉而有禮服
御樸素道路遇者初不知爲縉紳先生云

戴夢熊正傑子也襟期洒落才智有餘早歲入成均覃
思經籍康熙壬子留監肄業考授州同知丙辰授太
原府陽曲縣令出滯獄濟貧民良法不可枚舉以卓
薦陞南寧府上思州知州專以挽回風化爲務使狎
悍之俗無異文獻之邦上游交薦之授戶部四川司
員外郎甫四月陞刑部雲南司郎中戊辰有湖廣夏
賊之變奉

命馳驛前往剔匪鋤奸恩威並著賊焰乃熄而生靈以

安大憲具題

特授漢陽府銳意澄清力扶元氣辨奸良而勸懲之督墾
荒蕪以資生理撫憲以堪勝監司保薦請補爲直隸
井陘道時

朝議漢陽要地使永鎮焉守十餘年善政多可紀述引
年歸里朝野榮之

張以瑀字次玉世爲縣名族祖靖基父昉齋以積德傳
家以瑀生而穎異未成童卽遊庠中康熙丁酉鄉試
雍正癸卯登進士第丙辰授都昌縣令昌俗強悍以
瑀抑強扶弱恩威並行并署建昌鄱陽星子諸縣皆

著政蹟辛亥秩滿內陞中書科中書舍人才入日出
知順天府昌平州知州闕五日丁繼母艱服闋授
州知州時當歲祲運米賑民民得蘇息以議開河
忤上官意解組歸蓋燕之永定河故無定河也其
從山右折而東歷西山蘆溝固安至三角淀直沽口
入海而霸之西北適當其衝往時秋漲暴溢議者指
其地盡爲沮洳康熙中始立河隄易今名垂數十年
漸成樂土乾隆庚申秋當事者以築隄歲糜庫帑議
復開就故道以語謂民久安之勢難他徙力爭不從
冬大臣巡視審其非便卒如以語議然已告歸矣其
爲人坦率無城府然性素耿直不肯苟合取容遇事
關利害必激切言之不得當不止竟以此坎坷其身
旣家居日以文學倡後進邑又多佳山水幅巾杖屨
選勝登臨泊如也葬父仙華展墓必哭泣訓諸弟
玢珏皆成立有聞於時子守涵守涓俱庠生
朱興燕字名封鶴鳴子也幼卽岐嶷長益力學甫入庠
卽中雍正丙午榜癸丑登進士乾隆丁巳授雲南通
海縣知縣庚申調開化府文山縣壬戌署寶寧己巳
知陝西鳳翔府隴州辛未丁艱歸服除以母老請終
養焉其在官禁火化之俗正婚姻之禮令開渠以灌

浦江縣志 卷之十二
哀毀而卒望嶧天性純篤事老母孝謹不衰與兄王
徵王祥甚友愛酷好詞賦作詩援筆立就所著有桐
峯文稿賦稿紀遊雁聲仙華望雲槐雲湘雲滇南等
草

人物六

文苑

士操七寸之管展盈尺之紙欲幾於古之立言以成
不朽之大業難言之矣何者文不外辭與氣辭根乎
理蘊氣積於涵養非可強而能也浦之人士敦實行
少華言故爲文純粹春容有典有則其最工者幾與

古人相頡頏次亦不失爲大雅之音列敘其人皆名
教所係也若柳貫吳萊宋濂諸君子舉其大者故不
復敘於此云志文苑

于房 于高于世封
于正封附

錢遜 錢億
年附

倪朴 倪展倪
子從吳

克己附

朱有聞 朱羣附

張森

黃中輔

方鳳

黃景昌

方樗 方梓附

陳公凱

陳公舉 陳昌翁附

鄭濤 鄭枋附

張恕 張思附

陳士貞

鄭泳

戴良

張孟兼

宋璩 宋慎宋
懌附

張端臣

張述祖附

樓真

鄭濟 鄭遜附

鄭楷

趙友同

鄭棠

周岐 陳樟附

鄭勳 鄭遜附

蔣大祿

傅宗佐

鄭鎬附

張一韶

張德嗣

倪立昌

張一楠

張應泰

張一儒

張德暉

方舒

朱鶴鳴

傅旭元

唐華

宋

于房縣人其先自河內來遷父嵩有學行尤長於文辭
 會五季之亂抗志不仕以布衣終後以房貴贈大理
 寺丞房為文有父風而精簡過之遠邇學徒咸從之
 游中嘉祐四年進士第官至尚書屯田員外郎通判
 應天府南京留守司兄立璧皆舉進士於鄉弟清穆

去為浮屠亦以文鳴諸子世封正封亦舉進士世封
 能暗記六經三史正封尤以博洽自負每兄弟論辯
 旁引曲證各歷誦全文一字不遺人號為雙壁初世
 封善屬文頃刻數千言縱橫變通無不如意自以為
 所向無敵及同正封見歐陽修脩不然之世封慚修
 因授以為文之道世封之學於是益進晚乃著易書
 詩傳四十卷正封著春秋三傳是非說二十卷正封
 善正書酷類顏真卿世多傳之有方蒙者嘗受學世
 封輯其家三世能文者七人號七星集云

錢適字德循縣之通化人世隱於農適自少強敏記問

過人中熙寧九年進士第調洪州推官守將王韶
樞府出威重異常他僚屬不敢仰視曾有疑獄適正
色爭辯至怒罵不少奪後卒如適議轉信州歷常真
二州燕衛王宮三教授通判越州吏挾守爲奸留難
訟者常百數適攝府事纔二日獄爲一空及後爲守
奸吏望風遁去除較書郎徽宗立擢殿中侍御史中
丞豐稷論其回邪不可以任風憲不報稷復言必用
適則願罷臣乃改提舉湖北常平夔峽轉運判官適
興利除害發摘姦伏風采凜然人畏之如神明崇寧
元年召爲都官員外郎復執法殿中劾曾布授元祐
奸黨擠紹聖忠賢布去遷侍御史閱兩月進中丞
乞治元符末大臣嘗乞復孟后而廢劉后事韓忠彥
曾布李清臣黃履及議者曾肇豐稷陳瓘龔夬皆坐
貶遂與殿中侍御史石豫左膚言元祐皇后得罪先
朝昭告宗廟天下莫不知哲宗上賓太母聽政當
大臣盡變亂紹聖之事以逞私欲因一布衣何文菴
作大正狂言復還廢后位號當時物議因以海海乃至
疎逃小臣詣闕上書忠義激切則天下公議從可知
矣今朝廷旣已貶削忠彥等及追褫文正誤國則元
祐皇后義非所安孔子曰必也正名乎名不正則言

不順夫在先朝則曰廢后今日則謂之元祐皇后於名爲不正先朝廢而陛下復於事爲不順考之典禮則古昔所無稽之本朝則故實未有詢之帥言則大以爲不然況旣爲先朝所廢則宗廟祭告時薦饗人事有嫌疑之跡神靈萌厭歎之心萬世之後配祔將安所施安早正厥事斷以大義無牽於流俗非正之論以累聖朝明日又言典禮所在實朝廷治亂之所係雖人主之尊不得而擅又況區區臣下敢輕變易者哉元祐皇后得罪先朝廢處瑤華制詔一頒天下無閒然者並后匹嫡春秋譏之豈宜明盛之朝而循衰世非禮之事於是尚書右僕射京門下侍郎將中書侍郎益尚書左丞挺之右丞商英言元祐皇后再復位號考之典禮將來宗廟不可從享陵寢不可配祔揆諸禮制皆所未安請如紹聖三年九月詔旨后繇是復廢豫適遂言元符皇后名位未正乃册爲崇恩太后適章所言小臣上書者昌州推官馮澥也其書以爲先帝旣終則后無單立之義稽之逆順陛下無立嫂之禮要之始終皇太后亦不得伸慈婦之恩雖已遂之事難復之失然感悟追正何有不可澥繇是得召對除鴻臚主簿蔡京謀取青唐適助成其

議會籍元祐黨適以爲多漏畧給事中劉逵駁之左
轉戶部侍郎二年遷工部尚書兼侍讀三年以樞密
直學士知穎昌府未行言者疏其罪黜知滁州四年
徙宣州五年稍復直學士召還工部舉馮澥自代謂
澥趣操端勁古人與稽嘗建明典禮忠義凜凜薦紳
歎服言者又疏其罪以待制知秀州中書舍人侯綬
封還之又奪待制久之除集賢殿修撰知越州卽提
舉江州太平觀大觀二年會行八寶赦復修撰俄除
顯謨閣待制以疾請致仕四年起爲顯謨閣直學士
政和三年改述古殿皆領宮祠適家居十餘年無益
之事不爲惟築三大湖以利鄉民民浚德之宣和三
年方臘陷婺適走蘭谿靈泉寺爲盜所刺年七十二
盜平州以聞有旨贈五官至大中大夫與遺表致仕
恩澤賜銀絹二百匹兩適無所不學晚尤浚於歷書
爲文章明白簡切自成一家學者從之多爲名儒所
著有遺文八十卷藏於家子楚材楚翁皆承事郎孫
億年字伯壽宣和七年以祖蔭入官乾道二年以右
朝議大夫致仕五年起利路提點刑獄不果上淳熙
十一年轉朝議大夫卒有詩號雲巢集云
倪朴字文卿唐戶部侍郎若水之後也若水居恆州唐

末之亂子孫南遷江浙開五代時有名盈者又自吳興遷浦陽之石陵世爲農至朴曾祖展始以貲雄於鄉初衢婺嘗輸丁身錢相傳仁宗時永康胡則爲奏免崇寧閒欲復算之適部使者行郡展持則像拜使者於馬前歷訴其非便使者上其事復獲免祖子從性好施田旱及半悉捐與種家然又多奇謀建炎初山賊作亂遠近震動縣令丞揖子從問計子從爲之籌畫使其子統民兵爲前導賊皆敗走民兵別部有貪功擒至百餘人者縣令例縛之將斬以徇子從聞之急白令曰此輩豈皆賊哉不如勿殺使自新賊不足定也令悟足地曰微公言幾敗吾事悉縱之事果寧帖朴豪雋不羈喜舞劍談兵恥爲無用之學必欲見之於事功紹興閒闕廟堂謀遣將掃清河洛喜曰依日月乘風雲以佐天誅此其時矣乃以天下山川險阻戶口多寡爲用兵者所當知因遍考羣書成輿地會元志四十卷又合古今夷夏繪爲一圖張之屋壁手指心計何地可戰何城可守遂草書數千言上高宗皇帝云臣謂今敵之勢其可以必滅者有五其事勢相關而不可緩者有七今之進謀者莫不曰彼強而我弱彼衆而我寡彼大而我小強弱不敵衆寡

不鬪小大不戰事未可以先舉是天下之常語耳秦并六國之強胡爲而喪苻堅舉百萬之衆胡爲而敗此成敗之理不在於強弱寡衆小大也審矣況今之敵人才智不逮於庸常而吾之勢力萬倍於古人破而滅之豈不易哉臣嘗見強壯之夫無故而暴卒在先數月閒其言語必失次其動作必失宐蓋身將亡而神必先喪矣今彼有意於犯我而隙先露是天奪其魄而欲亡之也欲犯我而修吾之舊都是天先修之以待我也其兆如此此其可以必滅者一也自古人君其所以成非常之業建百世之功者莫不係於人心之向背今天下之民間陛下分兵四出若老若幼皆舉手加額曰願吾皇宗廟有靈天地有感一舉而誅滅之是吾民怒之也天欲亡之吾民怒之事何患乎不濟哉此其可以必滅者二也國家自偃兵以來知者無所施其謀勇者無所用其力愚者無所効其死貪者無所得其利其怒敵之氣樂鬪之心莫甚於此時也鼓而進之鋒必不可過此其可以必滅者三也中原皆禮樂衣冠之俗一旦彊而驅之爲被髮左衽大者必不願爲之臣小者必不願爲之民今吾以其所潑願易其所不願彼不叛而歸我者吾不信

也此其可以必滅者四也國家列聖相承浚仁厚澤
滲漉於天下而固結於人心垂二百年非有窮兵黷
武以害之暴刑虐政以殘之是宐中原之民未厭於
我也必日夜引領東望苟傳檄而呼之彼不望風而
響應者吾不信也此其可以必滅者五也敵不可以
不滅其說亦有五者大抵以利害相反而言也天奪
其魄而欲亡之是天與我之時也天與不取反受其
殃此一不可不滅也百姓怒其剝斂三軍怒其陵侮
俱已久矣苟逆其心而挫其氣臣恐陛下之憂不在
敵人而在蕭牆之內也此二不可不滅也丹之所藏
者赤漆之所藏者黑漸習之効也中原疆而驅者三
十餘年矣今而不取則凡生長於彼者舉將受變於
彼無復有望於我矣此三不可不滅也中原之民雖
浚被吾先王之德澤爲敵人所據者三十餘年而今
不取數年之後老而壯者大抵已死後生者不識吾
先王而惟彼之知矣此四不可不滅也今敵所可冀
其少和者惟增歲幣之一說耳我愈窮而弱彼愈富
而強彼得以乘前四者之弊而肆其志我無一以待
其變事勢之危可勝言哉此五不可不滅也夫彼之
可以必滅者旣如此其不可不滅者又如彼則滅之

之策其可不獻乎滅之之策有三而所用則非一有
上中下也皆所以因敵而制勝也用兵之法先發則
制人後發則制於人今彼雖有意於我而事未舉謀
未定號令未一屯守未備陛下宜先其所未發令諸
將水陸並進直衝其屯戍之所而襲取之所謂迅雷
不及瞑目疾雷不及掩耳也破其屯戍奪其要害而
守之使中原之民知所向慕陛下然後進都江表以
壯諸將聲援之勢以慰中原歸附之心黃河以南可
傳檄而定何者彼自謀和以來二三十年之間彼嘗
恃強陵我不虞於我一旦出其不意以壓之乘其不
備以入之勝之決矣此滅之之策一也彼如大眾已
舉警備已嚴陛下當使江淮之師堂堂之衆出壽春
出盱眙出漣水以迎其前然後一軍出荆襄入陳蔡
繞出其後以潰河洛一軍出隴蜀入散關據關陝以
震兩河天下定矣關洛震動彼勢必分而我事專何
有不濟昔者諸葛武侯嘗欲用吳蜀表裏之勢以圖
中原矣未幾荊州爲吳所襲取而亮失荆襄表裏之
勢故亮不能獨用蜀以取關中今者吳蜀一家臂指
相從吾於此擁江淮之師牽綴其勢於淮南使荆襄
隴蜀之衆相表裏擣其虛而潰其內此滅之之策二

也若其鋒未可當其勢未可遏陛下當斂江淮之兵
列江而守虛兩淮之地以待之彼之所恃者騎而已
舟楫之間非其所長以吾所長控彼之短雖百萬之
衆無所用彼兵深入吾境臨江不敢輒渡吾深溝高
壘據江不與之戰夫千里與師速戰則利相持則不
利延日持久糧運不繼士心必危師久而無功則糧
竭而餉匱其衆不自亂則必自潰勢之必然也此滅
之之策三也抑嘗思之陛下必欲一舉而復中原滅
勅敵非蜀兵不可何者彼以吾之精兵皆在於東南
其所慮亦東南吾江淮之兵深入敵境則必與敵相
遇不入則必與敵相持勢不能直進與之周旋於中
原蜀之於吳相去萬里勢若不相關彼必不虞於我
也彼之意在東南而吾之意在西北吾得志於西北
則東南之兵不足慮也願陛下堅守東南運算西北
及其未發令蜀諸路召募豪智潛爲進取之計就其
閒選智謀之將委以便宜俟敵人之衆舉皆東向便
乘閒深入正兵自鳳州出散關據鳳翔以招秦隴奇
兵自興元出斜谷自洋州出駱谷皆不盈七百里入
據長安以向潼關而又出荆襄之師擣宏農河洛以
爲之聲援若此則中原可指日而復既臣滅敵之策

所以尤恃於蜀兵是故始終言之而不憚煩也其事
勢相關不可緩者有七日順天曰立將曰屯兵曰強
兵曰防姦曰安民曰理財是也國家自偃兵以來陰
陽不和居高者苦亢旱處卑者怨水澇螟蟲大作陰
害嘉穀而今歲尤甚當春陽發生之時而凍雪連月
澆雨不止蠶麥所收百無一二今又加以大旱州
縣決滯獄放逋租上下祈禱靡神不舉而絕無響應
民心憂懼不知所爲伏觀陛下刻心削志不爲侈靡
不樂游玩不興宮室不營苑囿寬大之詔無時不下
所爲皆善而天意若是者必有怨怒之氣積於下奸
於上者故陰陽乖繆而雨暘爲之不順臣聞故將苗
飛忠義無比志清宇宙一旦爲權臣所害天下痛其
冤至今大小猶云云也臣又聞苗飛張浚陛下佐命
勳臣雖一時兵挫地失而志在滅敵陛下不念秦伯
用孟明之事聽妨功害能之說痛怨之終身錮而不
用使天下之心失其所望臣願復故將苗飛之封爵
祿其子孫以申其冤枉之氣詔復張浚以慰天下之
望則天時自順雨暘自若敵人可得而滅矣此順天
之說也天下安注意相天下危注意將陛下之所注
意者誰邪未得其人宜求其人而用之得其人宜明

而立之不安尚循常職也今有將之職而無將之權則威愛安足以及士卒乎邊境苟有倉卒陛下臨時授以斧鉞則諸將未必用其命士卒未必服其罰太公六韜言論將而次之以選將選將而次之以立將立將而次之以將威論定而後選選定而後立立定而後威可行焉此太公用兵之深旨也陛下無謂今日事未舉敵未動不可假而與之以權也今分遣諸將屯劄要害者大抵皆武悍之夫持兵帶甲動以萬數節制雖有所歸權輕不足以御臣恐輕躁妄動上無制將以統之其變恐不在於敵此立將之說也用

兵之法以處待不虞者勝昔晉將取吳或請益戍兵以備之而孫皓不聽及晉師起知其無備順流乘虛直造金陵若行於無人之地今陛下神智先見因其使命求釁而知其必叛故先分兵屯劄於沔鄂兩淮之地據其衝要然戰而不知分合之變不可以戰守而不知分合之變亦不可以守吳王知分兵以禦越之左右而不知爲中軍之所襲王莽知合衆以圍昆陽而不知爲孤軍之所敗此戰而不知分合之變者也秦王知固其外而不知劉項擊其內元濟知拒其前而不知李愬襲其後此守而不知分合之變者也

一分一合而後爲變今屯兵之所地之相去遠者千餘里近者數百里前後分離形勢孤立適緩急不及救宜分諸夏各以重兵繼其後而爲之聲援爲之統率謂如兩淮屯兵則一統於睢陽沿江諸屯則總於建業上流委命於夏口沿漢聽令於襄陽一處受敵諸屯皆應若一身之運臂指攻其右則左應之攻其左則右應之敵擊吾左吾攻其右敵擊吾前吾攻其後攻其所必救出其所必趨使吾之守敵不知其所攻吾之攻敵不知其所守如此則勢雖分而實不分地雖遠而實不遠以守則固以攻則克此屯守之法不可不知也強兵不在衆而在於精不在精而在於氣氣不壯雖精且衆不可恃今夫閭巷之間聚衆挾黨欲合鬪而別其雄者甲衆而乙寡乙雖寡其閉有一人攘拳奮臂大呼而直前乙之黨勇必倍而勝甲之衆此無他氣使然也今朝廷久不用武州縣閒多有慷慨感激之士豪壯勇敢之人聞國家將爲滅敵之計莫不奮然而無由自効願陛下詔州縣其有願奮義以助國立功者許自陳團結士伍皆勿黥涅優爲之制號爲義兵文武智謀之官採其風采畏愛於下者使帥其衆教以攻守之法勿與官兵淆雜賞格

優厚用之則必忻然樂鬪大者貪功業小者慕爵賞
所向必無前官兵得以藉爲聲勢氣必百倍勢益壯
而威益強當之者潰觸之者敗此強兵之策不可不
蚤圖也今國家禁衛之兵及州鎮之卒皆已抽發於
屯戍之所朝廷深思遠慮令州縣並立四隅官分結
保伍而統之誠良策也以臣思之天下之民皆感陛
下仁厚之政惻怛之誠自非凶荒饑饉之歲雖驅之
爲亂不可也然姦雄之人其黨與必衆其聲望必雄
藏姦匿盜爲之囊橐乘天下有變而肆其志今州縣
往往以此曹雄於羣不逞之間豪暴而無賴者多從
之四隅之職悉委之此類臣常以爲憂夫姦雄之人
難以法制而易以勢消彼之所資以動者無賴而勇
健之徒以前強兵之策召募之則十去其五矣誠令
州縣厚賞以餌之多方以誘之朝廷資其用而姦心
無所肆一舉而兩得之此防姦之策也今畫未舉兵
未出紛紛藉藉咸妄謂陛下爲遷都之事臣不知其
然否也臣謂遷都改邑在他時則可在今日則不可
何者當無事之時人君遷動則弱者無憂危之心強
者無覬覦之望此其勢然矣陛下必欲遷都金陵以
壯軍勢且安偏守錢唐營繕城郭爲不動之計使民

心安而無所惑使姦雄之人靜而無所望待大軍將
舉陛下明詔天下董六師之衆爲親征之舉以號於
民然後徐進而都之外足以聲援諸將慰撫三軍內
足以安民心慰民望此安民之說也三軍所恃以動
者財也興師十萬日費千金理財之說其可後乎行
屯田募墾闢而今敵釁已萌兵力不可以罷邊埃有
警則貧民不可輕往如算舟車借商緡則不忍爲桑
宏羊韋賓都割剝天下以斂民怨姑望陛下權其所
取以優民時其所用以省費耳有若曰百姓足君孰
與不足非百姓足而君能自足也蓋善藏者當無事
之時則藏於民當有事之時則取足於民而不使其
怨然其斂散之術必有權以用之也鬻官爵賣度牒
雖衰世之事然權宜濟急猶勝於橫賦以害民也且
彼買官爵買度牒者不憚價例之高而樂欲得之皆
其有餘者也取其有餘以補不足是亦天之道也此
權其所取之說也夫祭祀之禮行之適時之豐殺講
之合禮之誠實不務於擢虛文糜用度然後爲得也
古者掃地而祭不以爲非二簋之薄可以用享今之
儀則已繁矣而浮文虛費濫賞僭恩近世之弊尤極
且如一青城之費用繒帛數十萬其中至有苑囿臺

池游觀之所娛悅耳目之具此豈齋戒交神之義至
於三軍之賞賚百官之賜予動以千萬計此何爲者
也是以三年一行諸道漕運勞於會計州縣官吏罷
於督責文符之往來胥徒之窘迫急於星火神祇祖
考其樂於此乎且陛下所以備園邸立明堂殺牲備
禮以禋上帝以報祖考豈非欲昭答其心今中原失
守三十年矣神河帝洛曠而無主則神祇之心所望
於陛下者何如也故陵舊廟無所依歸則祖考之心
所望於陛下者何如也謂空明詔天下以恩賞無與
於祭事國步多艱財力不可以妄費臣民空悉此意
惟禮文儀衛之不可無者當具其餘一切減停橫賜
以需有功省濫費以待將士使帑藏豐實資用餘饒
俟機會以復中原以上答神祇下報祖考其誰曰不
可此理財之實要在於時其用而省費之說也朴爲
此書懷袖不滅鄭伯熊見而奇之連吐舌曰男子男
子雖以無階不得上進猶冀一用其能晚知不用復
著鑑轍錄五卷以痛國家禦侮用策之失惓惓猶前
志也朴好使氣與人多不合年四十七尚未娶當時
人亦鮮有知朴者獨永康陳亮敬焉淳熙中與知縣
趙汝鉞有隙鄉人樓益恭遂以豪俠中之徙家筠州

會赦東歸朴於書過眼不再覽辯駁甚精嘗言吳越受梁封爵未嘗稱帝其改元寶大寶當梁亡之後且取觀音院鐘刻爲證以破五代史之疑論者服之朴之友吳克己字復之縣之鶴塘人窮經博古尤邃於易旁通釋氏書多有著述朴嘗評其文汪洋恢怪如崩崖翻浪使人畏且驚又翫之而不忍去竟不知爲何等語蓋克己多談內典故朴頗識之

按朴上高宗皇帝書舊志採入藝文但書言無關浦邑錄入之似與體制未符若逸之又有遺珠之惜今故節入傳中庶朴之雄才大畧並其忠義之心俱於此可見矣

朱有聞字子益幼孤長能刻苦爲學夏不避蚊冬不擁

爐久之悉通諸家書作文尚質實有理致好飲酒於富貴人無所屈縣令丞而下欲見之不能得同郡呂祖謙名重一時知其有守而多聞訪之逆旅中再以書速之止脩報謝亦竟不行祖謙愈重焉淳熙十六年卒年六十五子羣字穎叔游太學有聲中紹熙四年進士第

張森字餘之祚子宋季以明經補太學生授潭州儒學教授著靜軒詩集子恕別有傳

黃中輔縣人長詩詞而以風節著聞當秦檜秉國和議旣成士大夫皆歌詠中興之美中輔不平作題太平

樓詞譏切之有籌邊未建先建太平樓之句爲時所
傳誦後子姓遷居義烏咸淳時樞密院編修黃夢炎
實其曾孫也

方鳳一名景山字韶卿自贈光祿大夫方資至鳳凡八
世鳳生有異才踰冠遊學臨安盡交海內知名士將
作監丞方洪奇其文以族子任試國子監舉上禮部
不中第丞相陳宐中尤器惜之將具奏請補初品官
既而宐中走海南事寢以特恩授容州文學未幾宋
亡遂絕意仕進鳳於書無不通究而尤邃於毛氏詩
始用爲文應有司後乃束其輿觀羣怨之旨一發於

詠歌體裁純密聲韻嫺婉不緣琢鏤而神融氣洽成
一家言詩日益工業日益落里士吳渭與其伯兄弟
闢家塾於吳溪延館之遇佳客則采摭風月嘲弄林
水一切世俗事不撓其懷晚善括蒼吳思齊武夷謝
翱累其倡和諧詩識之曰風雨集翱死無子鳳數百
里赴其喪爲函骨葬巖子陵臺南開歲西遊訪遺覽
古自陵陽牟巘新安方回而下若淮陰龔開剡源戴
表元永康胡長孺南陽仇遠之倫皆聯文字交積其
稿卷滿數寸便東歸山中如獲珍異雅志好游歷欲
資之以昭德葆性汲汲然恨行地不廣也嘗由京口

沂江至建業又東南出括蒼行尋雁蕩大龍湫挾摘
景物藉爲賦詠每遇雄關複輿長川巨浸破軍蹶將
之處悼天塹不守輒俯仰徘徊不能自禁聲調淒惻
淡於故國舊君之思鳳論詩嘗曰凡詩之作由人心
生也使遭變而不悲黍離居嫠而不念儀鬢望白雲
而不思親聞山陽笛而不懷故是無人心矣尚復有
詩哉鳳於宋末爲顯達而特有梅福逢萌之志臨沒
屬子題其旌曰容州蓋終身不忘宋也宋季文敞鳳
頗厭之嘗謂學者曰文章必真實中正方可傳他則
腐爛漉漫當與東華塵土俱盡耳性不喜佛老讀唐
傳奕傳壯其爲人自撫奕以後闢異教者數十事題
曰正人心書尚未完他所著詩三千餘篇曰存雅堂
稿其卒在至治元年年八十二子二樗梓

元

黃景昌字清遠一字明遠縣之靈泉人其先與太史公
庭堅同所自出四歲入小學十二歲能屬文長從方
鳳吳思齊謝翱游益通五經諸子詩賦百家之言尤
篤意書春秋學之四十年不倦三傳異說學者不知
所從景昌據經爲斷各采其長有不合者痛辭闕之
不少怨作春秋舉傳論巴川陽恪著夏時考正言三

代悉用夏時不改月數景昌以左氏縱不與孔子同時亦當近在孔子後其言當不誣作周正如傳考建安蔡沈集衆說爲書傳世無敢議其非景昌獨疏其倍師說者數十百條作蔡氏傳正誤古今詩體制雖相襲而音節則殊近代以此名家者亦罕知其說景昌以古人論詩主於聲今人論詩主於辭聲則動合律呂可以被之金石管絃辭則文而已矣乃集漢魏以來諸詩各論其時代而甄別之作古詩考景昌善持論出入經史衮衮不窮如議法之吏反覆推鞠其人辭不服不止故其所言皆綽有理致他書述尚多不能備陳景昌年旣耄猶執筆刪述不已或勸其休景昌曰吾豈不知老之宜佚哉恐一旦卽死無以藉手見古人耳晚自號田居子述田闢古調辭九章賓客至輒揭甕取酒其飲酒酣取辭歌之以筴擊几爲節音韻激烈聞者自失不知世上有貴富也景昌事親孝親沒哀泣至終喪遇孤姊甚戀戀懷鄉人有恩重紀至元二年卒年七十六

方樛字壽甫鳳子也授本邑學正以振興庠序爲已務人士因之丕變弟梓字實甫義烏訓導並能文善詩嘗從父遊遊山水與謝翱吳思齊輩追隨吟咏爲柳

貫黃潛諸賢所器重吳萊則榜壻也榜於至正十二年卒學者稱北村先生所著詩文並載存雅堂集陳公凱字君用號鶴臞以工詩古文名噪士林吳渭舉月泉吟社於吳溪海內文士詞卷蝟集而多自隱其姓名渭等暗中摸索於二千七百餘卷中選中二百八十及榜揭則其第四十與四十六名署柳園鶴皋者皆公凱也聲譽由是益起大德間推爲月泉書院山長達魯花赤忽都魯沙敦武屬爲刻漏銘詞旨莊雅至今猶傳誦之

陳公舉字正臣善屬文與兄公凱方鳳吳思齊砥礪倡和至元末任本縣儒學教諭累遷江浙儒學副提舉與趙孟頫爲同僚用薦者應奉翰林文字甫兩月卒子昌翁亦能文本縣儒學教諭

鄭濤字仲舒鑑子受業柳貫吳萊以文翰知名至正中用薦者爲經筵簡討每進講天子爲之首肯權參贊官三轉陞太常禮儀院博士階奉議大夫論張士誠不當賜諡時宰怒被黜退居撰著有葯房集若干卷子枋字叔車爲辭章操筆立就父宦遊值亂十年不通問叔車閒關往省道金陵艤舟江滸父適至而病見子喜甚病隨愈張孟兼等稱其孝感爲詩美之

張恕字如心祚孫幼穎悟取家中遺書晝夜研摩雖寒暑不易其恆度迨長文名藉藉遠近來學者戶外之屢常滿舉明經歷任武陵東陽慶元學正所至以興起斯文爲已任時集弟子員敷繹聖賢大義皆充然有得士風爲之丕變尋以母老歸里恕丰神峻潔望之若玉井冰壺議論則纒然如貫珠爲詩音律清麗書體莊勁得八分之正居家悉從文公禮治喪弗用浮屠所著有東菴詩集宋濂嘗曰張公恕查滓竭盡內外瑩澈足以濯人肺腑其德詎淵淺不能涯涘接人於神氣之微誠前輩之不可及者其推重有如此弟思洪武初舉明經授東陽儒學教諭

陳士貞字彥正曾祖文煥以登仕郎自試入官會宋亡不仕著有春秋質疑傳士貞幼讀書日數千言從吳萊習春秋以襲家學試藝鄉闈一不中終身遂不復赴鄧文原在翰林聞其學行薦朝授衢州路清獻書院山長以疾弗果上改處州石門山長內艱起再長建德之釣臺衢州之柯山二書院以累考序遷龍興路富州教授平生精勤強力酬答少閒卽挾冊不置陰陽卜筮方伎仙釋之言無不旁究詩文澁沈濃郁見推儕輩晚以存心養性爲務榜其居曰儼若思以

自見

鄭泳字仲潛鉉次子受業宋太史濂以文章知名借從
兄浚北遊燕京丞相脫脫延教胄子參太傅府掾史
從征高郵平六合轉承務郎溫州路總管府經歷決
獄平反甚多年五十感世故多變棄官養親於家構
軒三楹若屋之半名曰半軒爲說曰半者中之道人
每求其全故未嘗得中道當漢始定天下居半之時
也韓彭欲求其全乃有誅夷之憂子房能知止而去
之所謂求中道於半而得其全者也余飄泊塵海者
半世既無所爲事業幸而知止於此則將志於半以

求夫中矣又治室如舟形名曰艤航爲說曰舟航固
濟險之具而或恃其可以濟險直前而不知止方其
順流千里自以爲快及乎風與水爭飄蕩掀簸而猝
不可禁止非先治其具審其地得其艤之之道者必
不免於患也世道之險甚於江海富貴之禍甚於風
濤余游更世變身之不辱非敢自以爲能則固艤之
力也讀此可見其急流勇退之志矣所著有半軒集
家儀等書

戴良字叔能通經史百家暨醫卜釋老之說學文於黃
潛柳貫貫卒經紀其家明太祖初定金華命與胡翰

等十二人曾食省中日二人更番講經史陳治道明
年用良爲學正與宋濂葉儀輩訓諸王太祖旣旋師
良忽棄官逸去辛丑元順帝用薦者言授江北行省
儒學提舉良見時事不可爲避地吳中依張士誠久
之見士誠將敗挈家泛海抵登萊欲開行投擴廓軍
道梗寓樂昌者數載洪武六年始南還變姓名隱四
明山太祖物色得之十五年召至京師試以文命居
會同館日給大官膳欲官之以老疾固辭忤旨明年
四月暴卒蓋自裁也元亡後惟良與江陰王逢不忘
故主每形於歌詩故卒不獲其死云良世居九靈山
下自稱九靈山人有集三十卷揭法稱其文敘事有
法議論有原典實嚴重得於柳縝密明潔得於黃而
又加以春容豐潤故意無不達味無不足王禕稱其
詩質而敷簡而密優游而不迫冲澹而不攜上承漢
魏遺則以自成一家數言可以見良集大概子禮能
守其家學

明

張孟兼名丁以字行有俊才而侃侃自許少從聞人夢
吉受春秋三傳之解同宋濂學古文辭知名曾下詔
徵才能郡縣以孟兼名上擢國子學錄與修元史遷

清江縣志 卷之十二 三
太常丞時誠意伯劉基氣豪不肯妄下人而獨稱孟兼帝嘗問天下文章士基對宋濂第一臣基次之又次則有張孟兼餘不能知也孟兼遂愈自高濂亦愛孟兼才欲薦之而未有會適帝將用越僧證急欲得其文觀之而證方遺書孟兼論性命濂因言太常丞張孟兼所有之命濂召孟兼以證文至帝覽畢顧孟兼謂濂曰卿門人耶曰臣里中子耳且言其才帝熟視之曰生骨相薄仕途當徐徐進乃可耳除山西按察司僉事廉勁疾惡擿奸猾無所貸聲聞朝廷陞山東按察副使而山東布政吳印乃故鐘山僧也帝所特用孟兼以其僧慢侮之時初刊寶鈔印不令使孟兼責以違制言將上陳其事於朝仍不卽上先爲印所劾帝謂孟兼不遜勅笞之孟兼忿憤卽捕爲印書封事者欲論以罪印復上書言狀帝大怒遂械至闕下廷詰論棄市孟兼中無嶮巇祇以尚氣好高人卒至爲人所陷士論惜之著有白石山房集

宋璫字仲珩濂之次子十歲通春秋長博雅善詩文尤精於書法與宋克宋廣齊名世稱三宋洪武九年以楷書召入爲中書舍人其兄子慎時亦爲儀禮序班帝數命題試璫與慎笑語濂曰卿爲朕教太子諸王

朕亦教卿子孫矣濂行步艱帝必命璠慎扶掖之祖
 孫父子並官內廷人以為榮一日帝出內庫蟠桃核
 半片大可盈掌命濂作記璠書之稱為雙絕且言小
 宋字畫迥媚如美女簪花方孝孺極贊璠書謂如威
 鳳冲霄祥雲捧日當時乞文於濂者必謁璠書之所
 著有水簾洞玉兔泉諸詩編其詩排冪妥帖與王紳
 稱葵中二雋然頗為書名所掩洪武十三年因慎罪
 連坐死子懌字子夷奉母孝亦力學工書坐罪徙茂
 州建文帝即位念濂與崇舊學召懌入翰林為侍書
 張端臣字正卿恕長子與宋濂同硯席治書易禮三經

洪武初薦授本學教諭從子述祖應賢良舉洪武中

除保定府易州知州

舊志科第門載述祖
中建文庚辰制科

樓真以文學知名洪武辛亥用薦者徵赴京師將官之
 固以疾辭歸朝之名卿顯人皆重惜其去相率為歌
 詩以贊其行方正學孝孺題其詩卷稱其學優而行
 賢

鄒濟字仲辨濂弟也受學宋太史濂為詩文多出新意
 所著隨燬不欲畱藁書法得晉唐諸體洪武二十四
 年東宮缺官命廷臣舉孝弟敦行者尚書嚴震具鄭
 氏積行以聞帝特遣官簡拔其家年三十上者悉赴

京凡二十四人問才德孰優衆以濟對遂授濟春坊
左庶子階奉議大夫日侍青宮獻替甚多後徵弟沂
爲禮部尚書賜濟楮幣令致仕歸從子璩字允齋歌
詩俊逸尤工楷書與濟並稱士林

鄭楷字叔度淵子也與其弟棠栢等皆受業於太史宋
濂善屬文工筆札太史尤器稱之縉紳推其學行達
之藩府永樂初蜀王朝京師奏乞除王府教授楷泣
蜀王見之大喜有公來雪山重之語尊以賓師之禮
賜號醇翁十餘年躬勤輔導終始不渝宋太史以誣
坐西行次夔州而卒旅葬於夔家累謫居茂州楷啓

王給道路費令太史之孫恪遷葬成都卽命恪館於
墓旁給田以供祭享楷自爲文以誌其墓久之王念
楷年老奏陞長史致政還歸賜賚周至復睿書歸來
軒織錦成文以賜之永樂乙酉同致政御史兄榦朝
覲京師上嘉勞燕賞復賜爲善之書朝野以爲榮兄
歿綜理家政以詩書忠孝訓飭子孫所著詩文蜀王
賜名鳳鳴集門人私謚文誠先生

趙友同字彥如從戴良宋濂講究聖賢之學而尤精於
醫術洪武閒領薦授太醫院御醫永樂初詔天下儒
臣纂修大典遂擢友同兼編修官後以事左遷華亭

縣學訓導

鄭棠字叔美涿子也棠兄弟皆以文章名時而棠尤善於馳論永樂丙戌用禮部尚書李至剛薦纂修大典書成吏部銓試第一除翰林院典籍掌文淵閣秘書時仁宗爲太子監國南京選該博儒臣更番進講且備討論典故棠與王汝玉等九人在選中棠每體程子崇政說書意言及政治仁宗屢首肯嘗命代祀先聖顧羣臣語其至誠秩滿陞翰林簡討後以風疾辭歸仁宗卽位入朝特加賜勞仍以簡討致仕給傳送歸所著有金史評元史評及道山集二十卷

周收字中和自號浦陽江漁以文辭知名尤工眞行書永樂召入文館與修大典書成擢中書舍人書誥侍從幾二十年以老告歸詔令冠帶致仕同邑陳翰字子同才學與收齊名同召修大典未授官卒

鄭勳字季建義門涓之孫也父挺長於詩賦勳才尤豪邁見推於時或以其送仲父入蜀諸作達於獻王有無愧盛唐之稱洪熙初叔父棠挾之入覲臺閣諸公聞其名爭相延致欲薦官之高尚不就所著有怡雲集若干卷族子遜字允鵬亦長於詩勳嘗作十臺懷古詩論者謂可與吳師道作頡頏而遜所和篇尤雄

傑自喜

蔣大祿字天錫少穎邁於書無所不讀尤精毛鄭家言
嘗作變雅解爲後學司南以貢授遂安訓導慨然以
明正學淑人心爲己任士風丕變忤邑令署下考改
濬府教授歸以郡邑諸大夫之請纂修邑志文直事
核於人物尤嚴去取一時稱信史所居七峰環繞自
號七峰著有七峰遂庠林泉等集及梅花三百咏行
世

傳宗佐字思治性敏慧七歲卽能屬文聲名藉甚遊成

均大司成甚奇之領萬歷辛卯應天鄉試甲辰困公

車卒於虎林之禪寺子良楫亦負才好學蚤卒

鄭總字師準父璽卒上猶官舍總年十三扶柩歸葬哀

感行路長棄舉子業一意濂洛之學從陽明甘泉鮑

菴諸先生遊尤爲陽明所器每侍講退輒日曰鄭生

經濟才也延會稽蔡我齋王方湖朱白浦於家相與

討論廢和修舉冲素處士義規宸濠慕其名以厚幣

來聘峻辭卻之未幾濠擒人服其先見侍御王公廉

稱曰庶幾德行之科文學之列者其東明先生乎著

有東明山集弟總國子生敦愛不樂仕進與總偕隱

桐岡時號桐岡雙鳳

張一韶字尚成應槐子由邑弟子員入成均僻嗜書罄
產訪購積至數萬卷自刑法錢賦禮樂旁及方輿氏
族星歷醫卜無不精究慨然以著作自負聚四方知
名士與之辨論大義復縱遊三輔兩都倚宗闕里匡
廬九疑彭蠡洞庭嶺外盡交楚蜀閩粵諸名士自是
文益雄邁作詩不專尚聲韻以議論爲主管曰儒者
多拾殘瀆據成敗以論古人使生趣盡脫乃作咏史
三百篇援引駁據率自成一家言又以世之爲詩不
辨時代升降多循聲踵謬體格旣訛韻律全失乃著
歷代詩章辨體樂府考題時建會跳梁插套諸虜往
往生戒心乃著九邊圖考郡司李阮元聲數相從論
古作者優劣乃爲輯選金華文徵詩徵晚歲善病嘗
坐臥一榻中然不廢吟咏乃有病餘集統所著曰貽
燕堂集共三十卷熹廟中開史局詔纂修兩朝實錄
或以其名薦以病不果赴迨病革且死口不及男女
事惟以手定金元史未竟業爲恨雲間陳繼儒嘗見
其集奇之曰此越州高士也爲誌其墓
張德嗣字昭服幼有軼材九歲能賦詩有更浚月色閒
之句大父應槐甚異之長益淹雅奧博凡子史百家
道釋諸藏皆所精習恥爲無用之學如漕屯鹽鐵禮

樂兵農之類靡不確有成畫嘗語人吾得時而駕則
胥匡民社不則矢志著作風勵千秋寧能鬱鬱人世
偕草木同腐乎鄉闈獲首薦惜以過奇抑之豫章熊
人霖三吳路邁咸目爲天下士日與討論今古後以
貢入對大庭與試者以數千計拔萃凡三十人德嗣
列前茅將循庚辰例特賜進士不果所刻有說詩要
彙覽天閒記及山水音諸書行世

倪立昌字啓君尚忠孫也在母腹中卽失其父方生以
應繼出爲叔父母後年十五兄卒生母朱無所依而
誼不可歸晨昏周旋二嫠母動止恐觸其悲思刻志
力學期早達以顯幽貞爲人倜儻狷潔時季叔仁禎
仕禮垣泊若無與日偕張德行金漢鼎張以邁爲金
石交考文準經論事酌史勵作經濟之業尤精春秋
以經名一時壬午本房姚孫棐得卷喜極首薦主考
欲次之力爭不可致冠副榜羣爲惋惜曰利鈍命也
但負老母耳益奮志賞奇纂要手不停披取公穀左
氏合胡傳爲參同復從閒軼他書者雜采訂証而以
已見覈之標其異詳其畧正其附會凡八卷曰春秋
衡會繼母終憤痛二母苦貞莫報鬱毒發卒著有香
草園琴胎集與春秋衡共十四卷

張一楠字尚舟自幼卽思以理學爲己任訪求就正足跡遍三吳百粵閒一時名碩如潘公人龍方公應祥咸折節下之所至問字戶屢常滿一楠設教務先器識重行誼性尤篤孝親死廬墓遇忌日必三復蓼莪悲鳴涕泗門人皆爲感泣廢詩稱曰匪莪先生所著有四子口義易詩書春秋三禮孝經太指師友學錄若干卷

張應泰字汝來弱歲名噪雞壇沈酣經史博通諸子百家古文詞制舉藝無不精尤長於詩歌葵士推爲前茅中秋闈乙榜者四終阨於數奇壯年一疾遂逝聞者惜焉

張一儒字上珍號服鄉崇禎乙亥拔貢次年保舉知州自負所學不應詔爲文闕中肆外歸乎典雅嘗言文以氣行氣以識壯而識以古堅非裕王充之才何言衡古不饒桓譚之學未易論新兀坐一室繙繹不休家無儋石謚如也晚取禮經周官合大戴白虎風俗諸書標異參同著禮權六卷

張德暉字闇修古質敦茂動以聖賢裊躬不讀非聖之書至闕里謁孔陵慨然有高山之仰專精經史著諸經纂要綱目條論十五卷丁亥拔貢入成均考授通

判終子以忠字行之英敏有文名

國朝

方舒字冠山朴貌古心閉門學道其遠祖巖南集散失
千里尋訪不憚跋涉四明鄭南溪重其爲人爲訪於
武林趙公千家得之所著有浦陽儒學淵源錄

朱鶴鳴字聲仲西隅人幼好學受經於邑耆樓澹澹
器之行文如風馳雨驟見者稱嘆喜爲詩以陶寫性
情又善書揮灑幾腕脫年十六入學十八食餼歷試
每居首徐中丞聞之羅入萬松書院院中宿學羣相
推重雍正丙午以禮記中鄉榜魁與子興燕同科歲

丁未

詔各州縣察舉孝義端方之士以備錄用邑侯秦以鶴鳴
應選謝不赴會其子成進士授通海縣遂就養焉乾
隆戊辰授台州府太平縣教諭以年老辭父亡事母
甚謹友愛怡怡教授生徒多所成就卒年六十九所
著有滇黔遊草雪蕉詩集若干卷

傅旭元字晉初邑廩生餘姚黃梨州高弟也好學嗜古
以邑中先賢文集殘缺心惻焉會康熙閒督學彭命
浦令重鐫宋集旭元請任鑿產爲倡而吳柳張諸集
亦廣搜博訪而編次之得爲完璧又臚陳名宦黃坦

及鄉賢朱君正鄭應朝吳尚鉉戴正傑張密諸人實蹟請崇祀以勵後學皆義舉也所著有浦江文徵錄
獻徵錄

唐華字協勳通化人幼穎異九齡應郡試郡公奇其文歸益力學試輒前列年十九爲邑諸生授徒里中遠近從者甚衆歲甲子舉於鄉方力圖進取願困於數奇公車八上不獲售遂究心詩古文詞於吟咏尤加意後以

揀選授餘姚訓導士爭以文就正口講手披晨暮不倦獲造就者頗多未幾卒於官先嘗講學浦陽書院一時文風丕振平生端方自持篤於孝友師歿無嗣墓崩壞卜地改葬又倡率同人捐金立祭以故人咸欽服之所著有密齋詩文集

人物七

義行

管子曰倉廩實而知禮節顧有不盡然者紅粟千箱而鄰無舉火青蚨萬貫而族有乞人橐兒啼月而無聞暴骨橫榛而不顧若斯者豁壑難盈是以秉心維忍而不知積而不散其將聚而殲旃矣浦邑地磽土瘠時有鮮民賴好義之士振廩救饑解囊蘇困更或

捐田置產壤錯陸連似輕財而非俠能儉奉以濟人
雖其多寡不侔事為各異要之皆鄉里稱為善人者
用不禁津津樂道之也志義行

鄭良裔

黃裳

鄭淮

傅光

柳金

吳謙

鄭樞

張一寧

吳文秀

吳壽孫

吳仁附

吳志德

吳允和吳允權吳緯附

張天理

張元傳

費大高

戴正傑

鄭思俊

鄭璧

張以玠

黃方遠

趙必仕

潘玉文

朱可賓

宋

鄭良裔邑名進士也平生力學臨事勇義當孝宗淳熙
九年朱子奉勸浙東災荒勸諸路州縣人戶獻助米
斛搬運至紹興府糶濟良裔獻米二千石準淳熙八
年十二月指揮推賞補上州文學時獻助者四人良
裔其一也夫損己益人桑梓猶難之又況波及隣封
乎易曰屯其膏施未光也良裔之施光矣其見獎薦
於朱子也宜哉

黃裳字元佐穎悟嗜學名稱詞林而尤敦行諒嘗讀范
仲淹義田記遂捐常熟田二百畝儲租以濟鄰族置
籍計其出入告急者即調之名之曰希范晚第進士

調三衢司戶暇日與士友觴詠爲賦有詩文數百篇
郡守朱士麟稱其儒林模楷前輩典型薦奏於朝未
報而卒長子從龍次友龍皆登進士第從龍官至節
幹文學行義見稱於時友龍擢史館編修孫璘咸淳
庚午中文武兩科琦元以儒士舉爲武毅縣學教諭
裳弟夢弼亦登進士官至西京節幹姪震龍仲龍又
皆登進士姪孫珪元以儒士舉爲月泉書院山長科
名之盛黃氏幾冠一邑矣而其先以義行開基豈非
積德之報昭昭與

鄭淮字巨源麟溪鄭氏始遷祖也鄭之先望出滎陽自

北魏鄭白麟十六傳至凝道爲宋歙縣令居於歙凝
道生自牖由歙遷睦自牖再傳爲淮更與其二弟由
睦遷浦陽之感德鄉靖康時歲饑淮鬻田千餘畝以
活貧民民因號其所居曰仁義里淮生照照生綺自
綺後世世同居皆別有傳

傅光字子溫雋弟也仕爲諸王宮教授未幾退歸田里
方臘反縣民多託之爲亂任士安統兵至怒甚欲盡
屠之光適與任厚往諫之曰亂者惟通化一鄉餘皆
良民將軍奉朝廷殺賊耳奈何延及無辜任悟遂如

其言

柳金字時馨父補之宋迪功郎崇德縣主簿金擢咸淳三年右科進士第爲高郵令宋季城竇山民倡亂火金所居官欲盡斬之金惻然曰此豈其本心哉第爲飢寒所驅爾乃白戮其魁餘悉縱不問衆感金造室廬還之至元時以子貫貴贈奉訓大夫淮安路泗州知州飛騎尉追封浦江縣男

按省志作柳森森柳貫六世祖也無事蹟其爲高郵令者乃貫父柳金也省志誤

元

吳謙字仲恭世業儒父蜚聲宋秘書省較勘文字與謝翱友善翱寓謙家尋卒無嗣謙經營喪葬刻石誌墓復輯士友哀誄爲哭謝編時人義之

鄭樵字孟良元季新城之役責於大家不卽完者築土中東門要衝功最大旬日欲就皆相顧失色樵毅然率家衆任之已以工緩築土中幾及胸矣鄉里聞爭持土石來助得以免

張一寧字宗望邑平安人篤於孝友讀書務求大義不爲章句之學立義塾延名師以訓族人子弟如謝翱吳思齊黃潛以及方鳳吳萊柳貫諸名流皆先後羅致之家素雄於貲性復慷慨凡義所當爲千金不少愜至元時建文廟及明倫堂身任其役不以煩官

浦江吳元
卷之十一
又嘗獨建太極宮及洪溪陳侯廟其他津梁道路修築以便往來者不可枚指歲癸巳邑大祲作饘粥以食飢民一鄉賴以全活其喪不得葬病不得藥貧不能自存者靡不賙給之生平累行積德嘗以虔禱感格神明出雲雨除災捍患以庇其鄉及卒鄉人圖像祀之有禱輒應焉

明

吳文秀字啓明有膂力習騎射兵法元末寇盜縱橫秀集鄉人累石爲砦以捍井里及明兵取紹興率衆歸附以計開錢清濠兵遂大捷勅免其家差役旌其義後授宣武使卒於家

吳壽孫字伯榮見義勇爲會鄉民有陳五陳物者悖逆殺人諭諸子弟曰鼠輩恣肆不軌罪不容誅捕送於官有司旌其義具其事以聞鄉人稱爲新塘義士次子仁周人不吝戊戌冬明兵下婺寇猶竊發仁集鄉人置砦縣境賴其保障旣而築室於新塘之椒山宋太史濂扁曰施惠菴人稱惠翁

吳志德字惠卿幼尚氣節從祖直方濬器愛之元季盜起志德與蔣鏞協謀率義勇保安鄉里明師下浦江率衆迎謁留麾下從取諸暨及處州皆著勞績戮僞

將獻馘轅門以功授浦江翼左元帥尋以疾辭歸志
德與兄志道友愛甚篤誓不分異傳及五世皆同居
子允和允權皆以才行稱允權子緯字克文事母盡
孝齊家有法家被火延及祠堂志德先營建祠宇而
後構其所居人以為知所先後云

張天理字惟正疏財仗義賴以婚嫁舉災者恆數十家
里中有紛爭得其片言即解釋不忍復背亦竟有望
其廬而反者嘗隱白石山中撫絲竹自娛能詩歌工
筆札人稱為白石居士

張元傳字伯嚴治易兼治春秋後得疾無復仕進意率
託情於詩酒多隱德喜施予見貧乏者恆焚券遣之
人方之殷堪彭永云

費大高邑西隅人輕財好義族中有生女而欲溺者命
妻往舉之彼不許且曰吾舉吾育吾嫁焉遂懷歸撫
養既長為擇配具妝奩以遣之視已二女無軒輊夫
溺女浦弊俗也視骨肉不啻雞豕大高乃能拯族人
之女以育之又如己女以嫁之則與鍾離瑾嫁前令
之女不同一高說哉

戴正傑昆弟四人分爨之日不較家財崇禎丙子浦邑
大荒買穀八百石散給饑民全活無算族中無力卜

葬者爲買地於金獅嶺下立爲義冢復捨山木爲棺槨之具創建本族祖廟祀產以備蒸嘗又於廟側構家塾六間別設義田二十畝收租以給族之貧而不能力學者見賣宮傾圮捐金倡修後以子夢熊貴贈中憲大夫

國朝

鄭思俊字學英事親以孝聞與伯兄同舉事之如父有事必諮而後行撫諸姪同於己子邑有義塾延師教之歷三十年無倦色性好施予捐文武應試路費田一百畝又捐田三十畝以爲修葺學宮資他如置義冢施藥捨衣至今子孫猶繼其志祀鄉賢

鄭璧字一上義門後也璧奉家範惟謹親喪廬墓三年其父思俊常念浦邑僻處山陬諸生應試者艱於資斧遺命籌之璧遂捐田百畝充合邑諸生科舉路費於族更別置田給之至修葺文廟捐田以供歲修皆能善承先志且建宗祠設義塾築橋梁立義冢歲旱散米六千斛賑貸雍正元年舉孝廉方正奉文給六品冠帶送部引

見以老不赴卒年七十有六

張以玠字坦齋邑貢生東隅人儻好義不吝貲財家

世業儒於單寒士尤加意見義門鄭氏曾捐鄉會試
義田心甚嘉之因捐腴田五十畝爲諸生歲試路費
前學憲竇按臨金郡給扁嘉獎并飭於明倫堂勒碑
垂久

黃方遠字洵詹合溪人幼能文邑試常冠軍後補弟子
員屢赴棘闈數奇不售乃例入成均生平孝友性成
愿慤自守家素豐而自奉頗儉然遇一邑一姓中有
大興作則又踴躍爲衆人倡自葺宗祠修宗譜而外
如捐金以新覺序助田以作歲修月泉浦陽兩書院
創興復割腴田以資膏火皆其大焉者也他若煮糜
飼飢指囷濟困以及橋梁道路待以措辦者不可枚
舉亦可謂勇於行義者矣

趙必仕字書升南隅人弱冠能文有聲庠序性孝友父
病割股以進父疾獲痊後享遐齡生平心存濟物遇
事勇爲宗人有貧而鬻身者急解囊贖回給資歸業
終無德色康熙辛丑歲大禮邑侯邢令董賑濟之役
必仕助資易米載歸以賑闔邑沾濡邢侯給扁旌之
他如贖學田建書院無不身先倡率竭力助成其慷
慨好義類如此

潘玉文字若一嘉興鄉人以例入成均端謹誠慤孝友

推於族黨性復慷慨好施予凡邑有義舉必率先爲
倡曰我非巨富而爲此者將以互相鼓勵無使公事
沮抑耳生平喜文墨士每行閭巷聞書聲必徘徊
良久乃去邑中有捷音至雖其疎交聞之輒狂喜折
屐語其子弟曰此閭里之榮汝輩當欣慕之浦陽童
子與試者不下千人距府稍遠單寒往往却步而邑
中鄉會試歲科考諸義士皆捐有路費田產惟童試
獨缺玉文念千里之程始於跬步新硎初發亦欲稍
助其資因邁疾未果臨終囑其子若姪曰能成我志
吾目瞑矣子公選姪開運遂奉遺命呈請捐田百畝
公舉誠謹士經理而散給之 各憲俱褒獎焉

朱可賓字瑞恭政內鄉人以例入成均性敦孝友而又
勇於行義凡邑有大興舉靡不踴躍樂從歲辛未邑
大稔餓殍載道可賓憫之捐囊金三百兩買穀以賑
嗣邑侯改建學宮創修書院均不吝輸重貲以襄厥
事也及道路橋梁多所修築行者至今感之遇親隣
貧乏力爲調恤而於寒士尤加意焉嘗念鄉會兩試
艱難雖經鄭氏倡捐但人多費少支給未克欲割膏
腴共相資助會疾作未果臨終囑其子曰此吾素志
也爾輩慎無忘爾父遺訓今杭口田莊園地百餘畝

皆其嗣子之理等所遵命以輸者也其慷慨好施蓋
終身不倦云

附錄黃以森潮溪人向賈於杭之家焉為人恂悞無
華克款鄉誼凡浦人之往來於杭者樂於延接甚
或飲食周給之尋以湖汐多阻行者苦無止息之
所愛捐金爲倡建金華會館於江干葵人咸稱便
焉

人物八

隱逸

少以星有處士之名終南山有捷徑之號行藏之際
難言之矣然而京洛塵中車如流水巖阿寂寞從古
如斯浦邑富佳山水領其趣者得二三隱君子剪韭
攜菘烹葵煮蓼日徜徉於其閒乃不使草堂靈笑人
俗狀耳若其本無雅抱猶有名心方爲岐路徘徊漫
說白雲留伴者則亦無取焉志隱逸

何敏中

陳夢睿

附 陳禮

柳卣

鄭鑑

黃繼淵

黃東 黃東 附

鄭柏

朱廷剛

傅宗誠

應唯

張德行

張以邁

宋

何敏中字元功世家太末其遠祖延壽始來遷浦陽敏

中自少學易三傳酒廢事終其身弗御與梅執禮交甚洽母有疑難相與論定之郡縣察其賢將以八行及進逸薦辭敏中素仁厚游太學時同舍生方位卒敏中醫行橐持其喪歸鄰州寇起將壓境敏中攜家避山中比鄰從者以百數道遇擁刃來者衆相顧泣且死敏中出告其酋酋大呼曰此浦江何公也吾昔爲尉所縛藉公一言而免是嘗有恩於我者不可害不可害卽命兵護出之

陳夢睿黃裳母弟也裳舅陳氏無嗣出爲其後以明經登第授迪功郎上書論邊事廷議不合卽解職歸隱田里子孫世皆儒業七世孫禮字敬夫洪武中有司以通經貢於朝辭疾不仕人謂其有祖風

元

柳卣字致明貫子爲兒時重遲不戲壯益端凝簡靖貫遊宦中外家政悉寄於卣能斬斬不紊撫世接物一歸於誠內翰杜本修撰張樞極推許且謂其不豔榮利有古逸民風浙西部使者辟爲書吏辭繼以薦署紹慶路學正亦辭大布寬衣徜徉泉石閒超然自得浙東憲府余闕行縣過其家深加敬禮退語人曰待制公有子矣元季兵亂卣抱先世遺文潛伏巖穴餘

悉不問未幾家貲盡於盜自絕無憂色人慰之曰此亦命也徒憂將何爲卒於至正己亥子穎字信之官永豐尉

鄭鑑字景明文嗣子資性端慤不事表暴遇人一本於誠早師方鳳讀書務明體要精於詩夷淡淵永部使者薦其文行授衢州路江山縣教諭不就居田里閒泊如也生平無他嗜好惟聚書數千卷蓄古法書名畫歷代金石刻甚富築別業蒔花種樹引賓朋相羊其閒行酒賭詩竟日乃罷善行草遇人求書當微醉時欣然命筆題署大字人以爲酷類張溫夫至大間朝廷旌其義縣長忽都魯沙敦武舉觴屬鑑曰中朝此舉褒其既往而勸其方來子長且賢振而起之繫子是望鑑以此感激自勵處宗族益禮義周至卒於至正十年有正齋文集五卷藏於家

明

黃繼瀾字良靜幼篤學有大節嘗負笈從四明向培竹遊聞父喪馳歸遂痛悼不欲仕進教其子東晞東晟東曉咸醇謹禮讓有萬石家風東曉仕真陽令多循聲

鄭柏字叔端貞義處士消子也力學耽經受業於朱長

史聞考亭之學以究性理之旨既而學文於宋太史
濂太史教之作文必以六籍爲本明乎理以充其氣
而以孟韓歐陽爲宗凡所爲文必令繕書以酬應所
求及太史以累入蜀斂所著以授柏有付子斯文之
屬旣以父代兄死難哀毀嬰疾無意進取縉紳朋舊
每欲推薦輒以疾遜謝惟寤寐經傳潛心玩索以眞
知實踐行之於已而以孝慈友弟勸率羣從注善藥
以施人至老不厭或以其名達之蜀府王問其兄楷
楷稱其疾以對王顧左右曰叔端可謂清逸之士矣
人因以清逸處士稱之晚年著書有聖朝文纂文章
正原續文章正宗金華賢達傳進德齋彙子勉才學
有稱

朱廷剛字天德孝子克成之子嗣其父能孝且友敬禮
師儒好讀書自六經至子史無不通究尤澁於易善
撰著習晉唐書法家藏遺帖甚富敦義睦族手定家
譜生平不妄言笑正己率人學者稱爲九峯先生
傅宗誠字思明弱冠補邑庠生屢應鄉舉不就絕意進
取篤志六經要旨著易簡說及詩書春秋禮別什邑
令須李莊三侯俱雅重焉

張應唯字汝契少好奇畧萬歷甲寅繇成均參藩陽軍

事數覽山川險要上書陳建兵情形督撫張濤直指張五典並才之以格於常資不能用遂拂衣歸口不及兵事惟以花鳥詩酒自娛書法善二王體喜爲人書世外事自署爲清樾逸叟而不名享年八十有三張德行字用之號潮漁祖父世通顯德行少好學嗜古累試輒冠軍爲學使者黎博菴王園長所賞拔行文奇峭奧闢不肯曲徇時好每省試或告以抑鋒毀穎倂俗詭隨者德行笑應曰取舍命也吾欲騎龍玩鳳翔嬉雲閒非狐兔燕雀所與謀也終不改故屢試未售崇禎癸未以明經首選應詔廷試授戶部江西清吏司主事會鼎革家居杜門著述一以蹈襲爲戒氣體絕類杜陵昌谷所爲序記詩賦俱警雋年七十而卒有嘯雲館文集行世

張以邁字月征號匡廬應槐曾孫以邁幼聰敏弱冠舉於鄉癸未成進士任中書舍人冊封江西會鼎革屏居縣北顏其堂曰綠香有慕綠野香山之意詩酒自娛不與外事客有言時政者輒以醉不荅閱二十餘年以病酒卒所著有南州集沈水草匡廬集行世人物九

方技


吳生龍甲摩詰朝川以至和之於醫輅之於卜郭比
 之錦囊宏景之秘簡類皆專門名家神乎技矣乃方
 名術數浦志寥寥求之百年聞亦不多得豈其名之
 湮沒無傳歟抑魁奇磊落之士務其大且遠者而不
 屑為小道可觀歟謹因其舊而稍益之不敢以繫方
 肘後即云抱朴復生垂簾市中便謂君平再見也志
 方技

趙良本 戴士世 戴元直 戴思恭

傅子鳳 王稷 王宗臣

元

趙良本字立道其先出宋周王元儼至良本十世矣六
 世祖士翽為處州兵馬鈐轄高宗時來遷睦士翽子
 保義郎不玷復自睦遷浦江良本從學吳萊通經史
 大畧不喜專精章句有得於心輒見於行事妹歸樓
 氏喪夫二子楨楠幼弱樓族利其貲欲以計奪之楨
 愬官未報天死長老有閔是婦子者為言於縣縣擇
 可託孤者皆曰莫賢於良本縣籍其貲貝土田符合
 主之良本視孤甥如己子既長授以其籍絲髮無所
 私柳貫命從朱震亨遊震亨儒者兼通醫術嚴毅不
 許可庸俗士獨喜良本盡以術授之良本曰吾欲及



物而患無其道今得之矣遂發其術活病者寔人來
尚藥與畢麾去不受價某御史聞薦於朝授以醫學
正不就顧子友昌且長遂以家事屬之闢一室以居
自號太初子研摩養生之說朝夕粥一器不御醯鹽
蔬菰盛暑不舉箴烈寒不附火踰三十年鬚髮不少
變人望之以爲真神仙人而良本亦若有所自得人
莫測也忽一日曰明日良吾將歸矣取筆與簡預書
斂葬儀至日晨與正坐啜一食斂手瞑目撼之則逝
矣時洪武六年二月其壽七十

戴士世字仲積九靈山人良之兄也母病久不瘳凡醫
之知名者迎致殆遍所用藥餌大抵皆附子靈砂之
屬治益勤疾益劇後遇義烏朱彥修始知其藥之非
圖改治而母病不可爲矣士世痛迫旦暮號泣幾不
能終喪旣而曰吾母不可復作而他人之親庸醫復
持是殺之不亦慘乎乃悉取素難等書讀之復奉幣
就彥修質其疑盡得金名醫劉素完張從政李果三
家之說不數年名動吳越有不遠數百里來迎者士
世以脈證形色定人生死治不治輒先喻日期百不
失一二至是益知母死之非命寤寐修省怨悔內積
晝雖強顏接人夜則咨嗟涕洟衾枕爲之盡濕如是

者十餘年而以痿痹病卒士世自幼知讀書喜作唐
古體詩工晉楷法陰陽卜宅相墓諸術亦往往精到
而最善於醫用是以名

明

戴元直洪武時人少嘗以醫術出遊吳楚東沿淮泗至
齊魯往來公卿間虛左而俟束帛而迎者不可勝數
其志高而氣盛每酒酣談論雜以嘲笑鋒穎橫出意
氣蓋一座既而自少其所爲究心聖賢之書謂易之
遷善改過莫善於益以益名其齋而日自斂戢值朋
儕會集各吐所長元直恂恂然非切中道理不致發

一言於是士大夫不徒重其術之精而欽其德之遠
方孝孺作益齋記美之

戴思恭字原禮聞義烏丹溪朱震亨得許文懿公道學
正傳乃往執弟子禮受業其門震亨一見奇之悉語
以濂洛授受之懿閒及醫學諸家要旨悉洞其妙洪
武中徵入朝將屬以太醫院事原禮以老病辭授階
迪功郎職御醫高皇帝大漸同列進藥不稱旨者皆
麗於辟獨指原禮曰原禮仁義人也慎無恐永樂初
超拜太醫院使既授職以耄不任事屢請乞骸骨許
之瀕行諭原禮曰朕復召汝汝其來也既歸家甫旬

餘以疾卒勅命行人諭祭於家御製祭文褒獎備至
傅子鳳鄉賢柔之裔也醇謹而孝於親母得危疾廣延
醫者罔效乃自取仲景叔和諸書夙夜精思其理侍
寢調劑四年得瘳母獲壽考因其術勝四方人咸以
疾請療子鳳診視如見肺肝授藥有奇驗相延者不
計貧富貴賤雖雨夜必往且多設百種丸劑以拯窮
乏蓋其志在救濟不以其術爲利也一日忽自診曰
天之限也遂遍辭親友越二日卒人稱爲岐山先生

國朝

王穆字肇周濛溪人雅素恬靜怡情山水間尤酷嗜丹
青下筆時濶入虎頭之室閒遊京師名公巨卿求真
跡者屢且滿都下一時爲之紙貴以不耐塵器遂拂
衣歸幽居一室中不履城市輿耐輒濡筆和墨陶寫
其性天他無所好也邑侯黃高其品手書一傳以贈
題爲清逸處士云

王宗臣字道輔濛溪人邑廩生幼習儒業有
復旁通青烏之術得郭景純楊筠松兩先生之傳
明理氣作青囊心印與天玉經註二書藏於家其言
河洛宗旨具有根蒂堪輿家鮮能及也

人物十

寓賢

筆牀茶竈雨箬煙蓑自昔名流每耽山水驅車所至
傳為美談矣此邦地非孔道冠蓋所不至而奇巖秀
壑聞其勝者往往膏秣焉故或名賢講道依稀鹿洞
芳規或高士浮家彷彿志和雅致皆載筆者所神往
於其人也志寓賢

謝靈運

呂祖謙

朱熹

陳亮

吳思齊

謝翱

黃潛

胡翰

方孝孺

蘇伯衡

危貞昉

王琥

楊守勤

文震孟

姚元凱

趙之璧

沈壽民

東晉

謝靈運會稽人襲封康樂公累官侍中才思縱橫俊發
為江左第一每詩一首出都下貴賤莫不競寫尤工
書作文竟便自寫晉文帝稱為二寶元嘉五年陳疾
歸與族弟惠連共為山澤之遊常着木屐尋山涉嶺
必造幽峻數往來浦陽以詩相酬和據文選靈運答
惠連詩分別離西川西川即浦陽江惠連西陵遇風
獻康樂五章亦有昨發浦陽浦之句又越斤竹澗有
詩其詩浦未置也然江已名浦陽矣

按舊志據謝詩而入高賢第文選注清陽內經上
 虞卽管城江也與浦無涉況江至清陽始通舟昨
 發今宿從何著落西川之名亦未之聞浦有斤竹
 院而無斤竹瀾考靈運遊名山志云神子溪南山
 分流去斤竹瀾數里書確有據其爲借才可見矣
 但訛傳已久故姑存之至藝文內書載有謝惠連
 斤竹瀾詩節去不錄

宋

呂祖謙字伯恭金華人學本家庭有市原文獻之傳長
 從胡憲遊又友張栻朱熹講案益精後舉進士復中
 博學宏詞科仕爲國史院編修官類輯三朝文鑑百
 五十卷卒賜諡曰成少嘗讀書寶掌山元日登高至
 今登高山以之得名後朱元晦提舉浙東行部浦江

適祖謙又至浦共講學月泉之上紹定知縣李知退
 建二賢祠祀梅節愍執禮及祖謙爲後學景行祖謙
 學以關洛爲宗充廣高明不墮文義浦江柳文肅買
 吳貞文萊及宋文憲濂皆宗依之

朱熹字元晦婺源人年十八中進士第得延平李侗之
 傳紹明張程之學淳熙二年呂祖謙訪於寒泉精舍
 編次近思錄因送祖謙至鵝湖八年浙東大饑熹爲
 提舉浙東常平茶鹽事行部過浦江復會呂祖謙言
 士習馳騫於外勸學者觀孟子道性善及求放心兩
 章又言學習之弊不過兩說江西穎悟永康事功若

不極力爭辨此道無由得明乃相與同講止學於月
泉之上其時知縣王霖龍因講業創爲書舍祀二賢
於其堂元至元時陞爲書院

陳亮字同甫永康人才氣超邁與呂朱二賢同講學月
泉之上自謂研究理義原心於杪忽較禮於分寸於
諸儒誠有愧焉若推倒一世之智勇拓開萬古之心
胸差有一日之長已而以解頭薦因上五論不報歸
而授徒浦江錢擴從之游擴平時爲文雖能非所願
也惟欲學所當學者後擴改名廓中漕臺試早亡凌
堅方坦皆浦人從之尤久嘗升堅堂拜其母尋詣闕

上書孝宗赫然震動將擢之官大臣惡其直交沮之
且兩以事係大理堅嘗左右之亮稱凌堅與我休戚
每相關幸上欲生亮竟得不死歸益勵學光宗卽位
策進士亮對稱旨擢第一授建康判官未上卒端平
初諡文毅

吳思齊字子善處之麗水人祖淡有奇才永康陳亮以
女妻之遂來家永康思齊絲任子入官監臨安府新
城稅鎖廳試漕司中舉上禮部不利後從常調爲嘉
興縣丞會令以言去攝縣事縣獄多留繫思齊坐獄
戶讞問凡株連疑罪悉簡出之死刑多平反尋監戶

部犒賞酒庫未幾遷饒州節制司準備差遣常力詆
賈似道留夢炎以骨鯁忤於時謫監南岳廟嬾翁方
登知饒州以思齊賢每謀以自近思齊不樂依嬾勢
避去與粵謝翱流寓浦江偕方鳳三人爲友宦游十
年田無半畝之增後值宋改物家益艱虞至無僮石
之儲有勸之仕者輒謝曰譬猶處子業已嫁矣雖凍
餓不能更二夫也天性直慤雖行人所難坦然不見
崖異心知有是非不知有毀譽禍福學者尊其行爭
師之方鳳評思齊之爲人如徐積陳師道君子不以
爲過

謝翱字皋羽福之長溪人試進士不中落隗漳泉二州
侗儻有大節曾丞相文天祥開府延平兵揖軍門署
諮事參軍聲重梁楚間已復別去及宋亡天祥被執
以死翱悲不能禁隻影行浙水東逢山川池樹雲嵐
草木與所別處及其時號相類則徘徊顧盼失聲哭
聞者傷之其志汗漫超越浩不可禦視世閒事無足
當其意者獨嗜佳山水雁山開湖蛟門候濤沃州天
姥野霞碧雞四明金華洞天拽奇抉秘所至卽造游
錄游倦卽憩浦陽江源尋隱者方鳳吳思齊晝夜吟
詩不自休其詩直溯盛唐而上不作近代語文尤嶄

拔峭勁雷電恍惚出入風雨中婆駐人士翕然從其
學年四十七瀕死屬其妻劉氏曰吾去鄉千里交游
惟方韶卿吳子諤最親不翅兄弟慎收吾文及吾骨
授之已而鳳等米至與方幼學方壽馮桂芳翁登登
之弟衡葬翱子陵臺南以文稟殉無子其徒吳幼敏
祠之月泉書院

元

黃潛字晉卿其先浦江人祖琳始徙義烏祖墓尚在仙
華山南潛受業於方鳳又與吳萊柳貫友善歲時強
半在浦延祐二年第進士累官至侍講學士知制誥

修宋遼金三史著作擅一時卒諡文獻當世以潛與
揭傒斯虞集柳貫稱儒林四傑

明

胡翰字仲申金華人嘗之浦從吳萊學古文辭甚久又
登許謙之門獲聞考亭相傳的緒持其所業就正於
柳貫貫以致遠器之乃出遊元都徧交當世名卿遭
時不靖避地南華山中著書宋濂稱其奇邁卓越務
師古人出言簡奧不煩而動中繩墨如處圭商敦望
而知非今世物也太祖定金陵遣使召見除衢州教
授乙酉奉旨纂修元史

方孝孺字希直一字希古寧海人以文謁宋太史濂於翰林丁巳濂還浦江孝孺復執經館於東明山房庚申秋歸省濂與孝孺惜別因敘其素有之善勛以遠大之業且曰予所許者不獨在文後二十餘年當信予爲知言辛酉濂徙蜀孝孺往省不獲爲文籲天願以已壽年輸委乞延師命及癸酉孝孺以漢中授徵爲鄉試考文道經夔州謁太史墓而卹其家建文初召爲翰林博士升侍講庚辰司會試時大制作皆出其手靖難師入以死殉國至十族夷滅不爲變距前太史惜別時適二十年云

蘇伯衡字平仲少警敏書過目卽成誦初習舉子業中年專肆力於古文明初召入史館纂修元史書成升國史院編修以曠疾辭還嘗與宋濂遊東明山酬唱久寓邑之合溪與方孝孺有合溪唱和詩

危貞昉字孟陽台州臨海縣諸生通周易善唐體詩洪武時父陵川丞孝先坐法謫役浦江貞昉詣京上疏請代上從之貞昉乃解儒衣就役施施無難色而質證厄弱不勝負任之苦至浦七月病卒宋濂爲作危孝子傳

三虎字巨虎山陰人王守仁高弟也博極羣書狷介絕


俗周遊講學所至一方名士趨隅世稱方湖先生偕
祭宗克俱久寓義門張孟暄延館山堂書院編較山
堂初學記凡有關風教處多所題咏

楊守勤字克之慈谿人少負奇才拓落不羈尤豪於酒
每倚醉揮灑數千言立就音律鏗鳴兼善四體書雅
與浦江張應沛友善館寓尚友臺日與泛觴吟詠諸
山川閒凡數歲所至幽谷古剎品題殆遍中萬歷丁
酉鄉薦第三人甲辰試禮部及廷對皆第一歷官右
庶子卒贈少詹事

文震孟長洲人五歲從父元發赴浦江令任署故有古
桂婆娑異他樹震孟初授章句時吟諷其下便有正
色立朝之志踰年習舉子藝父拈魯論中後生可畏
題課之震孟神思駿發出語不凡識者咸謂有臺閣
規模天啓壬戌廷對第一授脩撰以抗疏忤魏瑞竟
罷歸懷宗卽位召起拜侍讀歷官東閣大學士

姚元凱字穉高慈谿人好讀書善屬文游學越城聞浦
陽張一韶蓄書甚富遂假館仙華日誦萬言浦中英
彥多從之遊凡寓浦所著有經世雜錄四子標指功
過錄等書天啓辛酉領鄉薦第一

趙之璧字完玉金陵人博學工詞賦書得鍾太傅筆法




考授正字中書歲甲戌挈家武林厭其俗浮靡慕仙
華寶掌之勝遂家焉日與名公巨卿相往來不以裘
笠介意一日睡覺曰門前有車蓋來迎殆將去矣急
沐浴更衣坦然而逝有頃復甦起坐索筆書秦淮漁
父四字以表其墓遂卒

國朝

沈壽民字眉生宛陵人明崇禎丙子復保舉賢良之制
應天巡撫張國維以壽民應詔入都不就銓選三疏
劾楊嗣昌熊文燦悞國疏入留中不報漳浦黃道周
有吾輩愧死之嘆未幾文燦以失律誅嗣昌以陷藩

仰藥死而明亡矣南都立阮大鍼用事銜壽民劾楊
疏尾有大鍼妄畫條陳鼓煽豐芭語誓必殺之矯詔
出緹騎逮遂出亡變姓名爲王子雲迄南都亡而事
解避跡於金華諸縣凡九年晚歲返宛陵康熙乙卯
五月臥疾命筆書曰以此心還天地以此身還父母
以此學還孔子孟如斯而已遂卒學者私謚爲貞文先
生嘗寓浦江遊仙華月泉諸名勝訪謝舉羽遺跡與
張一儒有唱酬詩



浦江縣志卷之十二終

文化甲子

文正印

[The left page of the book is mostly blank or contains extremely faint, illegible text.]

